


11
531



書原引繼之證

國史略卷之四

後奈良天皇諱知仁後栢原帝第一子也



石村貞一 編輯

紀元二千八百八十七年
即位

後奈良天皇諱知仁後栢原帝第一子也母豐樂門院藤原氏贈左大臣教秀之女紹運錄大永六年夏四月天皇踐祚

菅別記○冬十二月足利義明遣里見義弘侵鎌倉掠奪鶴岡神寶北條氏綱遣兵擊破之義弘僅以身免關東兵亂記○

七年丁亥春二月三好元長奉細川晴元發兵入京師將軍

義晴細川高國逆戰于桂川大敗走近江○三月細川晴

元奉義晴弟義維據界城元長長輝孫晴元澄元子也季世

○冬十月越前守護朝倉教景近江守護六角定賴京

將軍義晴走近江

將軍義晴走近江

國史略卷之四

享祿元年

極高峯等發兵三萬納義晴于京師。教景與畠山義宣戰破之斬首百餘級。○享祿元年戊子春正月教景與元長講和諸將罷兵各歸其國。既而和敗義晴復奔近江高國奔伊勢。二川分○三年庚寅秋八月大內義隆遣其將筑紫尚門朝日賴實攻肥前少貳冬尙令龍造寺胤久拒之胤久部將鍋嶋清久奮戰敗之斬尙門賴實。九州○四年辛卯夏六月細川高國與浦上村宗合兵攻細川晴元於攝津三好元長奉晴元戰于天王寺大破之誅高國村宗。李世記分派記

○九月上杉憲政代憲廣爲管領。足利判鑑○天文元年壬辰夏五月晴元殺其家宰三好元長元長叔父宗三與元長有隙譏之晴元晴元亦忌元長使宗三誘殺之界城。兵亂記○

天文元年

義晴還京師

秋八月木澤長政與本願寺僧光教鬪先是畠山義宣攻長政晴元誘光教援長政至是僧徒大怒所在並起攻晴元晴元乞援六角定賴定賴誘京師法華僧徒圍本願寺焚之光教敗走。李世記○冬十月奈良一向宗徒起應光教

○二年癸巳春正月攝津一向宗徒復攻晴元晴元奔淡路毗困修○二月關白植家罷內大臣藤原植通代之。補任○夏四月晴元率阿波兵歸助長政據池田城光教據大阪城○五月晴元長政攻大阪城城堅不拔遂講和○是歲大內義隆大舉攻少貳冬尙九州○三年甲午春三月將軍義晴還京師。畿內兵亂記○夏四月少貳冬尙與大內義隆講和義隆使陶道麒留鎮肥前而凱旋。九州○冬十一月關

大内義隆助即位費

武田晴信拔海口城

白植通罷尹房再為關白補任○五年丙申春二月天皇即位時國用匱乏不能行禮大内義隆奉貢以助經費於是始行禮龍造寺記○夏五月義隆入朝詔為太宰大貳補任兼防長豐筑守護專領山陽及鎮西之事系圖時尼子晴久秉山陽諸國兵權謂其部下曰義隆奉勅專山陽西海兵權然我不能為其麾下也乃率兵三萬次青野鼻義隆聞之大怒發兵討之晴久嬰疾退軍義隆亦旋師室町日記○冬十月關白尹房罷十一月前左大臣藤原植家代之補任○十二月武田信虎出兵信濃攻海口城城主平賀源心善戰信虎以兵八千攻之踰月不能拔會大雪信虎解圍而去其子晴信請自殿信虎笑曰敵必不尾而請殿怯也晴信固

武田晴信逐其父

請以兵三百殿後大軍數里止舍五更即發還向海口與三百騎馳黎明襲城城兵已散源心等獨與百人留守晴信掩擊殲之遂斬源心置守兵而歸人服其勇略甲陽軍鑑○六年丁酉秋七月北條氏綱攻上杉朝定於河越大破之遂取其城朝定走松山城北條記○七年戊戌春三月武田晴信逐其父信虎自立甲斐先是信虎欲廢晴信立弟信繁晴信知之密與板垣信形等謀致意今川義元義元以為信虎强悍難制不如擁立晴信渠必服屬於我乃許之於是信虎如駿河義元留信虎不返晴信自立甲斐諸宿將皆頹首聽命○秋七月武田晴信與諏訪賴茂小笠原長時戰于菲崎大破之斬首凡三千級武田晴信浸耽酒色喜

板垣信形學詩

齋藤利政逐其主

尼子晴久攻吉田城

詩賦不見國政。群臣莫敢諫。板垣信形稱病。潛延一僧。善詩者於家。學詩數旬。乃出侍宴。請賦詩。晴信不信。強請而可立。就五題。晴信大喜曰。汝何遽能如此。信形因大諫曰。先君唯無道。故為君所逐。今君復如此。得不復有如君者乎。晴信感悟。遂勵精為政。甲陽軍鑑 ○八年己未夏六月。大將軍義晴出居八瀨。足利家譜 ○是歲。齋藤利政逐其主土岐賴藝。初利政家貧。賣油以為業。仕上岐老臣長井氏為僕。既而殺之。奪其邑。至是。又逐賴藝。盡并其地。信長家譜 薙髮稱道三。總見 ○十月。北條氏綱與足利義明里見義弘戰于鴻臺。走義弘。殺義明。北條家記 ○九年庚子秋九月。尼子晴久攻毛利元就于吉田城。初晴久遇元就亡狀。大內義隆遣使百方。

波爾杜瓦爾來

通好。元就終應之。攻下國內諸城。屬晴久者。晴久大怒。討之。義隆遣其將陶晴賢救之。晴久遂敗。還晴久鹽冶高貞裔也。毛利記安西軍策 ○十年辛丑夏五月。大內義隆攻武田信實於銀山城。斬之。又攻山名理興於備後。取神鳥城。於是三備皆降附。義隆記 ○十一年壬寅春三月。關白植家罷左大臣。藤原忠冬為關白。補任 ○將軍義晴還自近江。畿內兵亂記 ○秋八月。今川義元與織田信秀戰小豆阪。敗績。信秀斯波氏之臣。平重盛之裔也。信長家譜 ○是歲。參河岡崎城主松平廣忠。新田氏之裔也。武德大成 ○十二年癸卯春二月。大內義隆攻尼子晴久。富田城敗還。安西軍策 ○秋八月。波爾杜瓦爾商。

舶來多檣嶋武備志其人深目高鼻言語不通明人一人從

而來以杖畫沙以告求互市之意所齋有鳥銃嶋主時堯

姓關購得之使人學之自是本朝始傳鳥銃船長二人一日

牟良叔舍南浦集曰喜利志多孟太天教之人本邦亦自

是始也後大友義鎮崇奉之其法浸盛大友記九州治亂記○細川

氏綱入和泉為亂細川晴元遣兵擊走之季世記○十三年

甲辰春二月武田晴信伐諏訪賴茂破之賴茂納款晴信誘

殺之納其女為妾甲陽軍鑑○夏四月北條氏康襲上杉憲政

大破之先是憲政圍北條綱成於河越城足利晴氏援之

為長圍絕糧道城中大困氏康來援夜襲走憲政晴氏於

是關東諸將即夜降氏康者九十餘姓氏康氏綱子也是

始傳鳥銃

天主教來

河越戰

夜上杉氏將難波田小野皆死獨本間單騎止戰本間驅

幹魁偉繫九灯于竿以為背旗曰吾以燭主之闇也與大

道寺鬪授之九灯曰吾母復用此也子用為標好仕北條

公乃死大道寺自是以九灯為記幟關東貞亂記○十四年

乙巳夏六月關白忠冬罷左大臣藤原房通為關白補任○十

五年丙午秋八月畠山政國納細川氏綱於高屋城將伐細

川晴元晴元遣兵攻之政國逆戰破之晴元發阿波讚岐

淡路兵攻之攝津豪族三宅池田等皆應政國攻戰互有

勝敗季世記○冬十二月將軍義晴罷于義輝為征夷大將

軍時年十一補任○十六年丁未春三月義晴義輝以兵九百

保北白河謀除晴元○秋七月晴元大舉入京師初晴元

義輝為將軍

將軍義輝奔阪本

將軍義輝歸京師

義隆新制坊里

娶六角定賴女以故定賴亦將兵一萬來攻義晴義輝奔阪本。島山政國及游佐長教入援京師。路遇敵軍敗走。義晴遂與晴元講和。足利季世記 ○冬十月武田晴信破村上義清于上田原。義清奔越後。依長尾景虎。甲陽軍鑑 ○十七年戊申夏六月義晴義輝歸京師。足利家譜 ○冬十二月關白房通罷左大臣藤原晴良代之。補任 ○是歲大內義隆進從二位。補任 位踰父祖意稍驕恣。山口多廷臣避亂者而明人常互市焉。義隆耽咏歌學梵譯不復問武事。陶持長嘗憂之。持長子義清幼聰敏常誹義隆曰是墮落沙門流竄公卿耳。持長視其有不臣之志。藥殺之。養問田晴賢為子。義隆遂欲遷皇都其國新制坊里。開三條九陌。殫極壯麗。室町殿日記中國治

義輝又奔阪本

政秀諫織田信長死

津久見美作弒其主

亂記 ○十八年己酉春三月三好範長游佐長教等攻三好政長中嶋城取之。政長走保榎並城。細川晴元援政長據三宅城。四月範長與第十河一存攻榎並三宅並拔之。斬政長。晴元走還。遂挾義晴義輝奔阪本。季世記 ○十月長尾景虎援村上義清與武田晴信戰海野。自是甲越戰爭無寧歲。甲陽軍鑑 ○是歲織田信秀卒。子信長嗣。豁達好任俠。不修行儀。傳平手政秀為書。切諫。遂自殺。信長驚惋。自咎。為建佛院。名曰政秀寺。齋藤秀龍以其婦翁。召一見。服其雄武。謂人曰。吾子孫必為之奴也。信長記政秀記 ○十九年庚戌春二月津久見美作弒其主大友義鑑。子義鎮嗣。義鎮驕暴。好畷獵。入田親真諫之。義鎮怒。誅之。曰。水鑑速吉岡宗歡等憂

前將軍義晴薨

之條其過失諫之義鎮悔悟兇暴頗止大友○義晴城東

山○夏五月前將軍義晴薨穴太山中年四十補任官○

冬十一月三好範長入京師攻焚東山城○二十年辛春

二月範長進至大津六角義賢逆擊走之李世○秋七月

細川晴元軍相國寺範長攻焚之晴元狹義輝奔朽木內

兵亂○八月陶晴賢弑其主大內義隆初晴賢與義隆嬖

臣相良武任爭權謀殺武任武任怖而遁逃晴賢遂據其

邑若山反攻山口義隆走大寧寺晴賢追圍之義隆自殺

晴賢迎豐後國主大友義鎮弟義長為主時前關白尹房

前左大臣藤原公賴中納言藤原親世左中將藤原良豐

寓山口皆遭害安西軍策○是歲北條氏康攻上杉憲政

陶晴賢弑大內義隆

長尾景虎冒上杉氏
武田晴信稱信玄

上杉景虎稱謙信

於平井城陷八州將士捕憲政子龍輝降氏康憲政奔越

後依長尾景虎盡以其姓氏官號授之景虎冒上杉氏因

稱關東管領關東兵亂記○武田晴信薨髮稱信玄○二

十一年壬子春正月細川晴元與三好範長和將軍義輝還

京師晴元質子信良削髮遁於丹波李世○冬十二月上

杉景虎薨髮稱謙信甲陽軍鑑○二十二年癸丑春正月關白晴

良罷左大臣藤原兼冬代之神○夏五月武田信玄敗小

笠原長時于桔梗原悉取信濃軍鑑○六月三好範長弟之

康弑其主細川持隆於阿波分流○秋七月義輝召還細

川晴元三好範長畠山高政發兵攻之義輝晴元奔近江

季世○二十三年甲寅春二月關白兼冬薨○三月左大臣

弘治元年

毛利元就討陶晴賢

藤原晴嗣為關白補任○弘治元年卯秋九月毛利元就奉詔討陶晴賢於巖嶋誅之初元就築城巖嶋諸將皆諫其不可元就弗聽城成以兵數百守之既而元就聲言吾悔不聽老將言巖嶋地形難守難援即為敵有諸城從陷吾計莫失於此晴賢聞而大喜將騎卒二萬戰艦千餘艘攻巖嶋元就晦夜乘大風雨將舟師襲之賊軍遽怯自相擊刺遂大潰晴賢咄嗟邊走者不能退也賊爭舟而遁溺死數千人晴賢肥大不便行步從者扶掖至海濱求舟不得遂自殺安西軍記○是歲北條氏康立足利晴氏子義氏居鎌倉奏請任左馬頭判鑑兵亂記○三年巳春三月毛利元就將萬騎至周防拔煤間城進攻山口大內義長自殺於是周

防長門備後安藝皆屬元就兵威震關西安西軍記○秋九月帝崩壽六十二稱後奈良院補任紹運錄初祔深州法華堂山陵

後葬泉涌寺紹運錄

正親町天皇諱方仁後奈良帝長子也母贈皇太后藤原氏

贈內大臣賢房之女紹運錄帝王畧記弘治三年冬十月天皇踐

祚御湯殿日記○永祿元年戊午夏五月將軍義輝軍阪本○夏

六月進至如意嶽三好範長遣松永久秀攻之佐佐木義

賢拒戰不利乃與範長和尋歸京師足利季世記○秋九月木

下秀吉始仕織田信長秀吉尾張愛智郡中村人父曰彌

右衛門母夢日人懷而生之名曰日吉幼而穎悟長有大

志年十六仕松下之綱之綱使秀吉買胴丸甲秀吉奪其

紀元二千二百十八年即

永祿元年

木下秀吉始仕織田氏

金以為資裝事織田信長太閤記○二年己未夏四月齋藤

義龍弑其父利政利政愛少子欲立為嗣義龍怨之殺二

弟遂及其父信長記○三年庚申春正月天皇即位時朝廷衰

敝不能行禮毛利元就獻租稅助其儀始得行禮龍造寺記○

夏五月上杉謙信入京師謁將軍義輝義輝賜偏名改名

輝虎補關東管領將軍家譜○今川義元大舉侵尾張織田信

長逆擊於桶峽大破之斬義元初義元將四萬騎拔鷺津

丸根信長單騎馳救之比及熱田祠得千人自祈戰勝陰

使祠官鳴甲于龕中信長顧軍士曰神助我也乃伏旗鼓

循山而馳至於桶峽間瞰視義元營義元新勝不復設備

信長揮槍先衆馳下會大雷霧雨昏黑衆兵鼓譟斫營而

毛利元就獻資助大禮

桶峽之役

河中嶋之役

入營兵大驚不知所出服部小平太進入幕中薄義元義

元拔刀擊其膝毛利秀高縱義元斬其首而出駿河軍大

潰信長追擊斬二千餘級乃賽熱田而返信長記凱旋清洲

信長譜○四年辛酉春三月上杉謙信將兵九萬攻北條氏康

圍小田原城一日至鎌倉拜鶴岡祠忍城主成田長泰不

禮謙信怒取扇撲其面由是諸將皆叛去謙信遂班師東關

兵亂記○秋九月上杉謙信與武田信玄大戰于河中嶋謙

信壘于西條山堰水為池以備貝津敵信玄與子義信將

二萬騎來軍雨宮渡以絕其歸路越後將士說曰利在速

戰謙信不肯居三日信玄收兵入貝津以瞰謙信歸謙信

自若也信玄謀曰謙信蓋嫉吾變不動其軍也吾伏兵河

中而別軍自貝津直往攻西條則謙信可擒也越後謀者報曰甲斐軍出貝津南行矣謙信召諸將問計宇佐美定行等曰彼蓋為二軍欲及吾踰河夾擊之也語未畢謀者又報曰甲斐軍渡廣瀨上河中陣矣謙信曰吾與信玄構兵十餘年未得志明日之戰吾將出其意外決雌雄也乃置疑兵山上而全軍啣枚縛馬舌涉雨宮渡遇武田氏斥騎十七人盡斬之進壓信玄軍而陣使本莊繁長等陣筑摩河岸甲斐軍已向西條山信玄俟報至曉曉未辨人色見謙信牙旗在前將士皆失色越後軍鼓而進聲震地信玄不暇更其陣以弓銃力拒謙信欲遂宿志自率銳兵前衝中堅見信玄在床馬上揮刀連擊者三信玄舉團扇扞

飯盛城戰

稻葉城戰

之部將大隅輝槍縱之不中誤颺其馬馬駭逸去衆不知其為謙信也既而義信以二千騎尾擊越後軍竟退去甲陽鑑○五年壬戌夏四月島山高政圍三好範長於飯盛城二好義興松永久秀等將兵八千援之大破之高政奔界浦於是畿內悉屬範長李世記○十二月尼子晴久卒子義久嗣晴久與毛利元就構兵數歲其屬國皆為元就所并僅有出雲半國兵力益弱至是卒安西軍策○六年癸亥秋八月松永久秀弑其主三好範長子義興李世記○七年甲子春正月北條氏康與里見義弘戰于鴻臺大破之北條五代記○秋八月信長圍齋藤龍興於稻葉城初齋藤秀龍之水死也有二驍將信長計除之乘夜外出者數夫人齋藤氏疑其有

所私頗有妬色。信長曰：吾非有他心，乃欲成秘計耳。夫人問其計，曰：不可與女言也。因問信長，誰之曰：美濃二將陰通款於我。圖舅氏曰：事成則舉燧，吾每夜出望之，未舉也。夫人憂恐，密為書告之。秀龍、秀龍驚，即誅其二將。齋藤氏兵力遂自是削弱矣。義龍者，既弑秀龍，傳子龍興。龍興暗弱，至是其將士悉降，逐龍興。龍興奔近江，後信長治稻葉名曰岐阜。信長記 ○八年乙丑夏五月，松永久秀弑將軍義輝。義輝惡久秀專肆密謀，除之未發。久秀先發襲二條，第殺之。細川藤孝奉義輝弟覺慶走近江，改名義昭。將軍家譜 ○九年丙寅秋七月，毛利元就攻出雲，數年至。是拔富田城。尾子義久降，出雲悉平。安西軍策 ○十年丁卯冬十月，松永久秀攻三

信長移治岐阜

松永久秀弑將軍義輝

出雲平

好康長於東大寺焚而走之。時康長與三好政康、岩成左通稱三好三黨，與久秀相惡。季世記 ○十一年戊辰春二月，足利義榮拜征夷大將軍。三谷義次、松永久秀以擁立之功，威權頗張。季世記 ○秋七月，足利義昭赴美濃，依織田信長。先是，義昭流寓于外三歲，聞信長威名，欲往託焉。使筮之吉，乃決意使使諭信長。信長遣將吏迎之，館于立正寺。義昭見信長，託以興復。信長辭 信長曰：謹諾之矣。室町日記 ○八月，

足利義榮為將軍

信長入京

將軍義榮薨

織田信長以義昭西上，攻六角義賢，破之。說蒲生賢秀降之，遂入京師，嚴禁侵掠。進徇攝津、伊丹，親與池田勝政等皆降附。季世記 將軍義榮病薨于富田。補任 ○冬十月，三好義次、松永久秀乞降，義昭欲誅之。信長請赦之。季世記 ○義昭

足利義昭為將

拜征夷大將軍補義昭賞信長功任左兵衛佐封以山城

和泉河內攝津近江五國信長固辭不受季世○十一月

關白前久罷前關白晴長為關白補○十二月武田信玄

攻取駿河今川氏真出奔遂依北條氏甲陽軍鑑○大友義鎮

伐宗像重繼毛利元就援之自是毛利大友構兵累歲不

決安西軍策義鎮薙髮稱宗麟系圖○十二年已春正月北條氏

康以今川氏真至駿河與武田信玄戰于薩陞克之甲陽軍鑑

○二月信長拓修二條第○夏四月第成將軍義昭徙居

焉信長記謂信長曰方今兵革未弭宜留驍將一人衛護我

矣時佐久間信盛柴田勝家以宿將見任用議者謂二條

護衛必二將既而信長以木下秀吉為二條留護眾皆驚

置二條留護

拓修二條第

山中幸盛復出

愕秀吉○皇宮大壞信長修治之信長記○德川家康攻今

川氏真于遠江克之氏真奔小田原武德大成○六月尼子氏

遺臣山中幸盛復出雲幸盛出雲人膂力絕倫有勇略義

久之亡也幸盛依松永久秀時經久之孫勝久為東福寺

僧幸盛說以密謀密使蓄髮會毛利元就與大友義鎮構

兵幸盛乘其虛奉勝久入出雲得兵三千復新山末次諸

城安西軍策○秋八月織田信長攻北畠具教于伊勢拔安香

城具教與族木造具政有隙具政作亂潛通信長信長帥

衆伐之遂平伊勢勢州軍記○是歲大內輝弘入周防募

兵取山口毛利元就遣吉川元春擊斬之輝弘政弘子也

安西軍策○元龜元年庚午春正月元就遣孫輝元及元春等擊

元龜元年

姊川之役

尼子晴久破之軍策○夏四月信長攻朝倉義景于越前拔
 手筒金崎二城信長記淺井長政稱兵近江應義景信長引
 還○六月信長攻長政于橫山城義景遣兵援之德川家
 康援信長與義景長政戰于姊川大破之信長譜○秋九月
 信長攻三好三黨於攝津義景長政追躡南上信長還擊
 棲之於叡山遣使諭山僧內應不聽季世記○冬十月北條
 氏康卒子氏政嗣北條記○十二月信長與義景長政和諸
 將各還國季世記○二年辛未夏六月毛利元就卒元就幼名
 松壽比髻齟詣嚴嶋神祠既歸問從者曰汝輩何祈曰祈
 郎君主安藝也松壽曰汝盍祈吾主天下夫願主天下者
 能主一方願主一方者能主一國今願主一國矣其所成

元就詣嚴嶋祠

信長火叡山

三方原之役

可知已聞者奇之後遂爲十州大上嫡子隆元卒孫輝元
 嗣叔父吉川元春小早川隆景並輔之毛利家記先是輝元隆
 景在出雲聞元就病篤引還留元春護其軍至是元春聞
 其訃奮曰吾當殲敵以慰先君之靈也乃攻末石新山幸
 盛佯降遂與尼子晴久逃走美作歸織田氏安西軍策○秋九
 月信長縱火叡山執僧徒悉斬之及其所蓄婦女信長記○
 是歲皇宮成○三年壬申春三月信長營邸第於京師信長記
 ○冬十二月武田信玄攻德川家康於遠江拔韃飯田
 城織田信長遣佐久間信盛瀧川一益平手汎秀援之與
 信玄戰于三方原信玄縱火濱松城外家康欲出擊之信
 盛等止之家康怒曰人入我閨蹴我枕猶有卧而不較者

哉乃與本多忠勝酒井忠次等擊小山田山縣二將走之
 追北而進武田勝賴自傍進小山田山縣皆逐之信玄縱
 奇兵橫擊家康軍大敗之信盛走汎秀死家康切齒口出
 沫勵衆返擊成瀨正義本多忠真等死者凡二百餘人信
 玄益逼家康自度不脫欲決死夏目正吉曰勝敗常事
 耳非大將授命之日君第速去臣請代焉乃苦戰而死家
 康得間而走信玄怒信長畔盟送汎秀首讓之遂與信長
 絕甲陽軍鑑○天正元年癸酉春正月將軍義昭賜書信玄使與
 信長和不聽軍鑑○三月將軍義昭城石山堅田以伐信長
 信長遣兵攻拔之遂西上行成而還信長記○夏四月武田
 信玄卒年五十三初信玄欲略遠參二國觀兵京畿途罹

天正元年

武田信玄作空
 頭花押數百

信長置京師所
 司代

疾不果遺命曰我死之後宜深秘喪諸國聞我病不審其
 死必不來侵吾豫吳空頭花押數百紙以備書問且信綱
 容貌肖我有問病者令信綱答之言畢而死子勝賴嗣四
 隣頗聞信玄死北條氏政馳使告之謙信謙信方食舍箸
 而歎曰失好敵手矣世復有此英雄男子乎因潛然流涕
 者久之甲陽軍鑑○秋七月義昭復稱兵據嶺嶋信長急攻破
 之義昭乞降信長徙之河內義昭走紀伊詔削其官爵於
 是信長代足利氏出令京師蠲地子錢弛徭役以村井貞
 勝為所司代信長譜安西軍策○八月信長擊淺井長政於月瀨
 城破之朝倉義景自將來援會燒尾城主淺井對馬以城
 降義景遁還信長追擊抵越前朝倉景鏡斬義景持首出

降信長傳首京師還圍長政於小谷城長政奮戰而死井淺

三代記○十一月信長擊三好義次滅之近畿悉平信長記

○二年甲戌春正月近畿諸將賀正于岐阜信長賜之酒酒

三行謂衆曰我有佳肴請侑飲焉乃出義景長政首塗以

金粉諸將皆笑信長譜○三月信長入朝叙從三位任參議

奏請截東大寺黃熟香○秋七月信長討長嶋賊平之使

瀧川一益守長嶋城信長記○秋九月上杉謙信將兵三萬

入加賀屠金澤移兵攻七尾取能登乃休兵二日屬十三

夕月色明朗謙信置酒軍中會諸將士酒酣自作詩曰霜

滿軍營秋氣清數行過雁月三更越山并得能州景遮莫

家鄉憶遠征令將士善歌詩者皆和之遂爲政國中而還

信長截黃熟香

長篠之役

○三年乙亥春正月信長命吏治道路植賑樹造津梁除關

征弛徭役信長記○五月武田勝賴大舉圍長篠城城將奧

平信昌使鳥井勝高告急家康家康曰吾與信長出兵在

近堅守勿降勝高歸途爲敵所獲勝賴使之語城中曰信

長不來援不如輒降勝高佯許之既至城下呼曰援兵尋

至努力堅守勝賴大怒殺之既而信長家康來援擊大破

之武德大成勝賴將山縣昌景馬場比勝內藤昌豐等皆戰死

甲陽軍鑑○秋七月信長奏請以木下秀吉爲筑前守秀吉慕

丹羽長秀柴田勝家威名改氏羽柴總見○八月朝倉氏

餘黨據越前加賀諸城爲亂信長親將討平之信長譜○四

年丙寅春正月信長徙治安土山起天主閣閣凡七層高七

秀吉改姓羽柴

始起天主閣

丈布邸第于山下。令子信忠守岐阜。以備武田氏。先是松
 永久秀好天主教。起城樓于志貴。以祭天主。天主閣之設
 自此始。信長記 ○夏五月。信長使荒木村重等攻本願寺光
 佐。大阪初。信長諭光佐納石山城。光佐不聽。潛通三好氏。
 至是討之。不克。親將擊破之。信長記 ○冬十一月。信長殺北
 畠具教。北畠氏亡。勢州軍記 ○是歲足利義昭自紀伊至。備後
 依毛利氏。自是織田毛利構兵云。○五年。丁卯春三月。信長
 討紀伊雜賀氏。平之。初雜賀氏為亂。為大阪聲援。信長遣
 兵擊之。魁首雜賀孫一等出降。安西軍策 ○冬十月。信長使信
 忠誅松永久秀。初久秀之降也。信長衆中辱之。曰。此大為
 人所難為者。王弼公方叛。三好氏燔大佛殿。是也。久秀慚

北畠氏亡
 織田毛利始構
 兵

羽柴秀吉西伐

志啣之。遂叛。應大阪。據志貴城。信忠急攻之。久秀登天主
 閣。縱火自焚。信長譜 ○十一月。信長任右大臣。補任 ○信長遣
 羽柴秀吉西伐。入播磨。拔佐用上月。諸城城屬。浮田直家
 直家乞援毛利氏。信長譜安西軍策 ○六年。戊寅春三月。別所長治
 叛。據三木城。附毛利氏。羽柴秀吉移兵討之。總見記 ○上杉
 謙信卒。年四十九。先是謙信遺書信長曰。公數與畿甸敵
 戰。未識北人技倆耳。請期明春三月五日。聊舉八州兵。西
 上相見。乃大徵兵。先發二日。疾作不起。姪景勝與養子景
 虎爭立。相攻。遂殺景虎。甲陽軍鑑謙信軍記 ○夏四月。關白晴良罷
 任。○羽柴秀吉使尼子勝久守上月城。總見記 毛利輝元使
 吉川元春。小早川隆景將兵五万圍之。○六月。秀吉與元

山中幸盛被殺

春隆景戰敗績退保書寫山安西軍策○秋七月元春陷上月城勝久自殺山中幸盛出降尋被殺毛利記○冬十一月荒

荒木村重啗饅頭

木村重叛據伊丹信長親將討之不克初信長之擊義昭村重首應之信長大喜會有獻饅頭者信長拔佩刀貫饅頭于鋒以啗村重村重進開口受之信長笑曰好男子攝

津十三郡任汝剪取之終如其約至是為明智光秀所讒遂叛應毛利氏信長築長圍令池田信輝等守之而還信長記

○大友義鎮與嶋津義久戰于耳川敗績先是義鎮好天主教毀神祠佛寺衆心離叛至是龍造寺隆信徇肥前

筑後義鎮將士多屬焉九州治亂記○十二月左大臣藤原兼

孝為關白補任○是歲浮田直家與毛利氏絕送款織田氏

光秀以母為質

伊丹城陷

呂宋貢崑崙奴

安西軍策○七年己卯夏六月信長令明智光秀略丹波光秀招

降國主秦秀治秀治不肯光秀遣母為質秀治乃降光秀

誘執之檻送安土磔殺之丹波人聞之磔光秀母信長以

丹波賜光秀治龜山信長記○冬十一月瀧川一益陷伊丹

村重奔依毛利氏○八年庚辰春正月羽柴秀吉拔三木城

斬城將別所長治尋盡定播磨徇下但馬備前諸城徙治

姬路秀吉譜○春三月詔大阪僧徒與信長和僧光佐遜于

鷲森子光壽違約不去信長記○九年辛巳春二月呂宋貢崑

崙奴信長召見之伴天連率崑崙奴而至信長記○夏四月

關白兼孝罷左大臣藤原內基代之補任○秋七月武田勝

賴城于薤崎號曰新府甲陽軍鑑○冬十月秀吉以數萬騎圍

鳥取城陷

桔梗原之役

鳥取城絕其糧道累月城中糧盡吉川元春以六千人援之馳至伯耆則城已陷矣秀吉欲誅國人免守將吉川經家經家不聽自殺以免其兵秀吉○十年壬午春二月信長與信忠將兵十二萬伐武田勝賴德川氏北條氏各大舉應之信忠先進至桔梗原勝賴會諸將於諏訪軍議城昌茂進曰方今之勢不可一日猶豫臣得假五千兵為先鋒真田昌幸等以餘兵繼進我必克之勝賴問之二變二變曰年少者所言不可用也阿部忠高進曰臣遣間使覘敵敵深入客兵離而不整可襲也我夜合兵疾進挫其前部以破其膽二變又不許二變謂長阪調閑跡部勝資也已而穴山信良叛降德川氏信忠進陷信濃諸城諏訪軍潰

勝賴入天目山

勝賴走歸新府三月信忠入甲斐圍高遠城將仁科信盛與小山田昌辰固守信忠誘降不聽信忠怒攻之昌辰力戰數出狙擊信忠不克城遂陷信盛死之於是敵兵四面來薄勝賴欲徙避之子信勝曰事已至此何之而免乎當焚旗與無楯徐自裁而已乃與入天目山兵僅四十人小宮山友信單騎來從友信初數諫勝賴請除二變又與小山田將監者爭事並訴將監厚結二變勝賴遂廢鋼友信友信於是赴難追及田野就土屋昌恒言曰君嘗擯我而我赴君難是傷君之明也然不赴缺我義與缺我義寧傷君明耳因問調閑何在曰昨逃矣問勝資曰亦逃問將監曰逃已十日矣友信曰唉吾知有今日久矣勝賴俛首而

武田氏亡

修伊勢兩宮

定法制十五條

己已而勝賴使其配北條氏奔相摸對曰妾何顏見阿兄乎又使信勝奔陸奥信勝曰兒辱家嗣義當死于此勝賴曰然則吾與女共死顧女未行擐甲禮當行禮而死乃請秋山光次為賓被信勝以無楯比禮畢敵兵奄至勝賴以白布約髮拔刀親戰而死年三十七信勝亦死年十六信長梟勝賴首於京師割甲斐信濃駿河上野與有功諸將

甲陽軍鑑 ○是春詔修伊勢神宮初天武帝詔每二十年信長記

改造兩宮延喜式 弘安以後其儀廢絕至是復舊制信長記 ○

夏四月信長定關東法制十五條以瀧川一益為關東管領信長 ○五月德川家康至安土信長使惟任光秀饗之光秀方備供具會秀吉入備中圍高松城引甲部川灌之

明智光秀弑信長

守將清水宗治募城內湊戶收板數百枚造舟出戰毛利輝元大舉來救秀吉請信長親出乃命池田信輝明智光秀等先發而信長信忠繼進至京師信長舘本能寺信忠舘妙覺寺○六月明智光秀弑其君右大臣信長及左中將信忠森蘭丸村井貞勝等六十餘人死之初信長遇將士不設禮節嘲諷娉罵以為常嘗掖光秀手擊其首曰好禿顛可以代鼓光秀慙憤深啣之信長又寵蘭丸嘗許其三歲後領滋賀郡郡時屬光秀光秀自疑其罹奇禍至是大怒曰饗事未竣又命遠役乎悉投其具於湖馳還龜山卒然問傍人曰本能寺墮深幾尺眾異之遂與從子光春等決策悉丹波兵即發宣言奉命西援秀吉倭度大江山

至老阪右折則備中道也。光秀乃左馬首而馳。士卒驚異。既涉桂川。光秀乃舉鞭東指曰。吾敵在本能寺矣。衆始知其反也。昧爽圍本能寺。呼蹶而入。弓銳交發。信長在卧內。驚起曰。反者誰。令蘭丸出視其旗幟。返報曰。惟任光秀也。信長曰。敢爾。乃手弓而出。射斃數人。蘭丸以下宿直者皆死之。信長縱火自殺。年四十九。信忠馳赴之。途聞信長已死。退保一條城。賊兵來圍。信忠力戰而死。遺命前田玄以逃歸岐阜。奉其子三法師入清洲。信長譜太閤記 ○德川家康至。界聞變。從間道歸其國。武成大成 ○光秀置所司代掌京畿政。蠲都下地稅。遂赴安土。信長記 ○輝元聞信長且至。大舉將襲秀吉。僧惠瓊素歸心於秀吉。為議和。秀吉曰。苟使城將

光秀 攝都下地稅

宗治自殺。則我可以藉手而去。惠瓊以告輝元。不肯。明日惠瓊自入城諭宗治。宗治曰。我一死可以。和兩國。何敢不死。即自殺。會京師凶聞至。輝元遣使治前議。秀吉見使者。具告變故。使還報曰。事已至此。公等猶和乎。將士皆欲戰。小早川隆景曰。乘喪背約。不義莫大焉。終不聽。交質成和。秀吉乃班師。先是織田信孝修艦紀伊。急襲鷺森。幾破其根據。得凶報。還次大阪。聞秀吉班師。與丹羽長秀等會于尼崎。俟討光秀。光秀既定京師。在安土。乃將兵出拒秀吉。秀吉整諸軍。與光秀戰于山崎。大破之。光秀奔阪本。途遇小栗栖土兵群起。以竹槍斃殺之。光秀舉兵十有三日而敗。世稱三日公方。秀吉譜太閤記 ○秋八月。秀吉與柴田勝家瀧

光秀伏誅

葬信長燼骨

信孝討秀吉

川一益等議立三法師為信長嗣更名秀信居安土奉以
 近江三十萬石叔父信雄領尾張信孝領美濃諸將分領
 織田氏地秀吉○秀吉收信長燼骨葬大德寺號總見院
 奏請贈位秀吉勅贈太政大臣從一位信長○冬十月以
 秀吉任左近衛少將叙從五位補○十一月信孝忌秀吉
 之威名謀除之曰我家遭遇變故而我家奴輩舍長立幼
 以爭獲遺地且吾與信雄同年生特以月日少後故有兄
 弟之名耳吾有復讎之功秀吉乃壞而沒之其篡竊之勢
 已成矣不速誅之後不復可制乃密與柴田勝家瀧川一
 益謀討秀吉秀吉聞之乃結信雄急發兵攻信孝于岐阜
 岐阜兵寡乃佯行成秀吉○十一年癸未春正月秀吉擊瀧

賤岳之戰

川一益於伊勢拔龜山城退屯長濱○柴田勝家使佐久
 間盛政將步騎二萬出軍柳瀨○夏四月信孝復舉兵應
 勝家秀吉往擊之山路將監謂佐久間盛政曰秀吉攻岐
 阜子豈得不赴援哉盛政曰固也道路阻絕敵充塞其間
 我將如之何將監進附其耳語曰敵壘皆固獨中川清秀
 壘在賤岳之禁去我尤遠其備不固急襲之秀吉在大垣
 不得赴援破之必矣盛政以其計告勝家勝家喜曰可也
 吾分兵當諸營汝則往擊擊而勝速還慎勿留也盛政將
 萬人乘夜襲之守將中川清秀戰死盛政遂軍賤岳勝家
 召還之不聽秀吉聞之大喜曰吾得大勝矣即命駛卒五
 十人先往募沿道民曰吾將赴賤岳炬火導我酒食餉我

賤岳七槍

柴田氏亡

築大阪城

遂令堀尾吉晴留當岐阜而自提輕兵一萬五千舉鞭疾馳山谷皆炬盛政軍見炬火驚擾俄而秀吉來攻弓銃亂發盛政軍稍亂福嶋正則加藤清正加藤嘉明平野長泰脇阪安治片桐且元糟谷武則揮槍奮戰大破之世稱曰賤岳七槍勝家聞敗曰盛政果敗我軍矣遂走入北莊秀吉遂圍之獲盛政及勝家子權六斬之勝家與其妻織田氏縱火自殺太閤記○織田信雄圍岐阜誘信孝曰宜徙居安土信孝出城信雄遣人殺之於路秀吉譜○五月詔以秀吉任參議補○瀧川一益降秀吉遷之越前秀吉譜○冬十一月秀吉城大阪尋徙治焉武德大成○是歲琉球使來貢和漢合運○十二年甲申春三月織田信雄視秀吉威權日隆心

小牧之役

長湫之戰

不能平其下有三驍將秀吉厚遇之信雄疑其有私殺之與秀吉絕乞救德川家康家康帥酒井忠次榊原康政本多忠勝等軍小牧兵一萬八千忠次等擊秀吉將森長可于羽黑走之斬首三百級秀吉得敗聞自將騎卒十二萬軍于犬山自按視地形仰視小牧山曰吾後矣乃起壘植柵以頓諸軍榊原康政移檄敵軍罵秀吉秀吉乃購康政首千金○夏四月池田信輝等自請間道擣參河秀吉許之臨發誠信輝曰宜募土兵縱火東參河勿侮敵輕進恃勝不備信輝進拔岩崎至長湫家康金扇馬標遶出山後井伊直政自其南以銃手橫擊敗堀秀政長谷川秀一等軍森長可挺進指揮中丸而斃其陣大亂家康陷信輝陣

聚樂第成

斬首一万五千。秀吉聞信，懼敗，疾進不及。忿恚曰：「信輝不從吾言，今果取敗也。」將進攻，稻葉通朝扣馬諫之，乃止。時土佐國主長曾我部元親與故紀伊國主畠山貞政皆應於家康。欲刻期夾擊，秀吉、秀吉急攻拔竹鼻城。秀吉譜 太閤記○冬十月，秀吉與信雄和解兵而去。武德 大成○冬十一月，秀吉任權大納言。補○秀吉遣使濱松求和，家康不聽。○冬十二月，信雄抵濱松，謝出師之勞，且曰：「卿與秀吉非素有深讎，唯為吾構兵耳。今吾行成，卿亦宜和。」乃家康遣第三子秀康於大阪為質，秀吉悅，授羽柴氏。武德 大成○關白內基罷。○十三年。乙酉春二月，左大臣藤原昭實為關白。補○秀吉築第於內野，名聚樂。太閤記○三月，秀吉任內大臣。補○秀

秀吉為關白

秀吉改姓豐臣

吉將兵十萬南伐，初根來寺僧磐據險隘，屢為寇，小牧之役屬信雄，焚掠大阪旁，近至是，秀吉掩其巢穴，悉殲之。又攻雜賀城，拔之。紀泉悉平。秀吉譜○夏五月，秀吉遣羽柴秀長、秀次將舟師六萬伐長曾我部元親于土佐，浮山秀家、小早川隆景並帥兵會之。元親出降南海平。秀吉譜○秋七月，關白昭實罷。內大臣秀吉為關白。補初，秀吉起微賤，無姓氏，始稱平氏，中稱藤原氏，至是欲為征夷大將軍，右大臣藤原晴季素與秀吉善，為之謀曰：「故事，大將軍非源氏不可。」公稱藤原氏，宜為關白。秀吉曰：「關白何物？」晴季曰：「位亞天子，統御百官。」秀吉大喜。秀吉譜時關白闕，秀吉請之。廷議許之。太閤記賜姓豐臣。國史實錄○秋八月，秀吉將兵十萬北

義久蠶食九國

置五奉行

伐佐佐成政據富山築三十餘壘于栗殼嶺秀吉張疑兵當之而航海直襲富山成政惶駭出降秀吉與石田三成等十餘騎直入越後與上杉景勝盟譜秀吉 ○冬十一月石川數正降大阪初數正子從秀康如大阪秀吉屢勸家康入覲不聽數正知其生釁決意西奔武德大成 ○是歲秀吉置五奉行以前田玄以淺野長政增田長盛石田三成長束正家充之以玄以兼所司代譜秀吉 ○十四年丙戌春正月秀吉遣使勸家康入覲不聽遂以異父妹妻家康武德大成 ○夏四月家康遣本多忠勝於大阪納聘家忠日記 ○夏五月豐後國主大友義鎮遣使於京師請伐嶋津義久初義久自薩摩起蠶食九國義鎮與肥前國主龍造寺政家歲被其兵

家康入京

窟城主高橋鎮種立花城主戸次宗茂皆來送款焉於是秀吉遣長曾我部元親等發兵西向使仙石秀久齋書往諭義久義久不聽秀久憤恚以大友氏兵進擊大敗走豐後義久大舉入豐後下十六城大友義鎮既死其子義統出戰大敗元親子信親與十河存保死之事聞秀吉大怒議西伐益促家康入覲太閤記 ○冬十月家康從萬餘人而發秀吉母曰大廳出問女于岡崎以安其國人家康至京師館于茶屋晴延秀吉與弟秀長等來見曰今吾子一為天下屈節吾事成矣我起微賤諸侯多不心服奚為則可家康曰公第莫違義義之所在天下從之秀吉曰善既而曰明日見子于聚樂子枉意降我以視諸侯家康入聚樂

建方廣寺

命自是始

紀元二十二年
百四十六年
即位

第秀吉大會諸侯。延見如儀。家康拜跪甚恭。諸侯皆改容。畢禮而去。太閤記 ○家康任權中納言。補任 ○十一月。秀吉

奏以本多忠勝。榊原康政。並為朝散大夫。德川臣僚受朝命。自是始。武德大成 ○是歲。秀吉建方廣寺。山城志 以木造。

大佛。高十六丈。興卒數萬人。四方工人盡集。太閤記 ○帝禪位。皇太孫。後文祿二年正月崩。紹運錄 年壽七十五。葬于

泉涌寺。遺稱正親町院。時慶記 帝玉畧記 後陽成天皇。諱周仁。初名和仁。正親町天皇之孫。贈太上天

皇誠仁子也。帝王系圖 母新上東門院藤原氏。贈左大臣晴秀之女。紹運錄 天正十四年十一月即位。御浴殿日記 仍用天正號。

○十二月。關白秀吉任太政大臣。補任 ○德川家康徙治駿

秀吉征島津氏

府。武德大成 ○十五年。丁亥 春三月。關白秀吉大舉西伐。兵凡二

十餘萬。水陸並進。嶋津義久築城於豐後府內。拒守。秀吉

攻破之。四月。攻岩石城。守將秋月種宗遁走。子種長以城

降。秀吉進軍高良山。龍造寺政家以肥前兵來會焉。肥後

諸城皆解走。五月。秀吉以日向故主伊東祐兵為先鋒。以

五萬人。自日向入前田利長與淺野彈正。以龍造寺政家

為先鋒。以五萬人。自大隅入嶋津家久。以佐土原降。諸軍

合南下。臨鹿兒嶋。義久窮蹙。與弟義弘。薙髮出降。秀吉以

義弘領其國。西海悉平。秀吉譜 ○六月。秀吉封佐佐成政

於肥後。小早川隆景於筑前。欲以筑後封吉川元春。會卒

而止。安西軍策 ○秋七月。秀吉班師。秀吉譜 ○是歲。琉球入貢。○

島津義久降

幸聚樂第

聚樂之盟

十六年。子戊春正月。秀吉奏請臨幸。帝許之。秀吉時承大亂之後。典籍殘亡。乃令前田玄以與公卿雜議。一準永亨例。太閤記○夏四月。天皇幸聚樂第。上皇及諸皇子。公卿百官。宗室妃嬪皆從。關白秀吉率文武百官。扈從。扈從者。蓋新典也。遠近縱觀。父老或有涕泣者。曰。吾濟聞有行幸之儀久矣。今得觀之。即日行。享禮。明日。秀吉盛服出侍于御坐之右。使列侯盟于簾下。曰。奉戴皇室。竭力王事。莫敢或怠。皇家之邑。莫敢或侵。侵者相共誚責。戒囑子孫。莫敢或渝。關白所令。事無大小。莫敢或不奉。所違斯盟者。六十六州神祇。大罰殛之。覆其國家。莫能享其祿。天皇留蹕五日。奉獻供億之殷。前古無比。聚樂第行幸記○佐佐成政有罪賜死。

收天下兵器

秀吉伐北條氏

分肥後。授加藤清正小西行長。關原合戰記○五月。秀吉遣使相摸。論北條氏政。入覲。不答。先是。氏政老子氏直嗣。而事決於氏政。武德大成○秋八月。秀吉禁天下百姓藏兵器。悉收之。室町日記○氏政遣使于京師。曰。真田昌幸取我沼田。請令昌幸返之。然後入朝。武德大成○是歲。造黃金大鉢小鉢。五事○十七年。己丑秋七月。秀吉遣使諭真田昌幸。昌幸奉命致沼田于北條氏。於是復促入覲。不答。秀吉大怒。令駿河越後以西四十五國發兵。以金一萬枚。糴海道諸國。時海路久絕。民皆憚。風濤之險。曰。海龍王為崇。秀吉笑曰。吾受王命。討不庭。何物龍王敢得沮我也。作檄授之。投海而進。武德○十八年。庚寅春三月。關白秀吉大舉東伐。兵凡二十五

小田原之戰

萬自戎服入朝。受節刀于陛。拜辭而起。武德大成○夏四月。秀吉馳至小田原。城中大震。北條氏政氏直固壁不出。秀吉分遣諸將。徇下關東八州六十餘城。時氏直將松田憲秀送款。秀吉曰。小田原西南。笠挂山極高。俯瞰城中。公須移於此。秀吉即夜令萬卒築城山上。糊紙于壁。望之如堊。敵兵驚以為神。秀吉携家康登城樓。下視曰。關東八州在我目中。不日取以予卿耳。家康曰。幸甚。秀吉又曰。卿亦居小田原乎。曰然。秀吉曰。不可。我嘗觀地圖。自此進東二十里。有地曰江戶。襟帶河海。地濶土肥。卿宜居此。家康曰。謹奉教。武德大成○五月。伊達政宗來謁。秀吉使人讓之曰。我討小田原。天下所知。上杉佐竹皆通聘問。而卿擁兵數萬。未嘗

北條氏亡
封家康關東八

通一介使命。何乎。政宗分疏。又使言曰。若歸所侵諸地。則與舊地如故。否則將飲馬北地矣。政宗曰。死生唯命。況邑土乎。乃入見。既遣歸。諸將勸留之。不遣。秀吉哂曰。吾不用寸兵。而取五十四郡。非汝輩所知也。政宗謂人曰。關白天授也。遂去。就國。秀吉譜○秋七月。氏政氏直出降。秀吉殺氏政。送其首於京師。梟于一條戻橋。放氏直及其將北條氏規等於高野。北條氏亡。關東平。秀吉譜北條記○秀吉以關東八國封家康。以參河遠江駿河甲斐信濃封織田信雄。封豐臣秀次於尾張。中村一氏於駿河池田輝政於參河。吉田田中長政於岡崎。堀尾吉晴於濱松。其餘賞功有差。信雄辭封不受。秀吉怒。流之出羽。秋田。武德大成○八月。秀吉至白

朝鮮來聘

政宗入京

秀吉償攘金

秀吉稱太閤

河遣人檢陸奧出羽地封蒲生氏鄉於會津鎮撫東北秀吉
譜○九月秀吉還京師武德大成○是歲朝鮮王李昞遣使來
聘時秀吉有伐明之志欲以朝鮮為鄉導遣書李昞諭以
其意昞終不答秀吉譜朝鮮征伐記○十九年辛卯五月九戶政實叛
秀吉使氏鄉政宗討之氏鄉獻政宗通賊手東秀吉怒召
政宗政宗曰吾自分誅戮也作貼金磔柱使人揭前行入
京及詰問陳謝甚辨遂釋之武德大成○秀吉賜丹後遠江伊
勢諸邑一萬石松下之綱曰償攘金也太閤記○秋九月氏
鄉等拔九戶城誅政實及其族三十餘人秀吉削政宗封
益氏鄉食百万石武德大成○冬十二月秀吉奏請以內大臣
豐臣秀次為關白自稱太閤秀次秀吉之甥養為子者也

征韓之役

文祿元年

秀吉為擲錢上

補任豐臣家譜先是秀吉使柳川調信僧玄菘于朝鮮玄菘謂金
誠一曰明國久絕本朝通信關白秀吉今欲直入于明使
其四百州盡化我俗朝鮮先為奏聞使通聘使則必無事
而本朝之民亦幸甚矣誠一峻拒之玄菘曰往年高麗導
元兵寇本朝本朝以此報怨勢所宜然誠一不復問至是
宗義智再至朝鮮言攻明情實責其報李昞不從德盛錄於
是秀吉謀於諸將決西征乃命九鬼嘉隆造戰艦數百艘
大具兵食秀吉譜○文祿元年壬辰春正月天皇幸關白秀次
第聚樂第○二月秀吉發京師或曰盍以善漢文者從秀
吉笑曰吾此行將使彼用我文耳○夏四月至安藝謁嚴
嶋祠投百錢祝曰吾而勝明面者居多乃投皆面矣眾大

韓王出奔平壤

清正擒韓子

喜蓋糊合兩錢也遂至名護屋諸軍會者凡五十萬人糧食稱之以浮田秀家為元帥增田長盛石田三成大谷吉隆為參謀加藤清正小西行長為先鋒以伐朝鮮兵凡十餘萬大開行長先進徇下慶尚道清正略慶州會行長于忠州又分路而進韓王李昫出奔平壤分遣其二子肆輝召諸道兵德五月秀家人國都行長清正長盛三成等悉會秀家部署諸將索捕李昫隱清正聞王子逃去追至兀良哈境擒肆輝及從官百餘人遣使報名護屋秀吉大喜下書褒獎焉秀吉○六月行長逼平壤李昫奔義州留其將尹斗壽金命元守之行長擊走之贈昫書曰本朝伐明路出貴國而貴國出兵拒我故所在罹禍聞足下欲

行長約七條曰
割朝鮮三道與
我曰通聘曰封
爵其餘逸而不
傳

屯鴨綠江我攻之在近耳昫得書大驚告急于明乞援且請內附明主乃遣其將祖承訓史儒帥精兵五千來援行長等邀擊於安定破之斬史儒承訓僅以身免德○秋七月大廳疾秀吉歸觀至則已薨○九月秀吉除喪至名護屋○明兵部尚書石星聞承訓敗說明主曰秀吉兵乘勝而遠鬪未可與爭鋒且寧夏未平復有事於遼東不若且議和以紓禍也因薦沈惟敬惟敬慧黠有辨口嘗來我國與行長有舊石星以諂我國事情遣之惟敬見行長議和行長素喜和議約以七條惟敬復命衆議久不決秀吉○冬十二月明主以李如松為大將軍帥兵五萬援朝鮮明史○二年癸巳春正月李如松大舉來取平壤行長

碧蹄館戰

還韓二王子

敗走國都。明軍乘勝。鼓行而東。國都將吏。令諸城撤守。來會。諸城皆聽命。獨小早川隆景不肯。如松進至碧蹄館。隆景擊大破之。斬首一萬級。殆獲如松。如松墮馬。明兵扶去。譜秀吉 ○春三月。加藤光泰。細川忠興等攻晉州。不克。士卒多戰死。朝鮮之兵。所在蠶起。殆復故土。太閤記 ○夏五月。與明講和。明使沈惟敬來。名護屋。謁秀吉。先是。惟敬往復再三。納賂行長。議冊封及還韓俘。行長與秀家三成等。以冊封為秀吉王明之謂也。於是秀吉喜許之。厚饗惟敬。遣歸使小西如安偕往。德齡錄 ○六月。還清正所虜韓二王子以下。清正厚視。俘囚皆感泣而去。韓人最畏清正。稱曰鬼上官。征伐記補 ○秀吉怒。諸將攻晉州失利。遣淺野長政

陷晉州

秀吉議軍事

等傳旨。諸將攻晉州。城堅不拔。清正造龜甲車。牛革包之。載以死士。穿城足樓櫓。崩拆。清正先登。諸將繼之。斬城將徐禮元等。殲六萬餘人。夷城地。而返醜禮元首。獻之名護屋。德齡錄 隱 如松召惟敬。責之。惟敬見行長。讓其負約。行長曰。卿倡和。而明兵大至。此卿賣我也。惟敬乃見石星。請撤兵。星奏罷之。如松引還。秀吉譜 秀吉待惟敬。報問久而不至。謂惟敬欺已。召諸將議軍事。黑田孝高曰。聞兩先鋒爭功。相鬪。法令牴牾。衆莫知所從。而浮田宰相不能制之。也能堪此任者。非德川則前田。若孝高而已。秀吉首肯之。謂家康曰。釜山諸將。逗撓不進。我親征之。本朝之事。盡委卿家。康慨然曰。殿下親征。我安獨留。請先往征之。淺野長

政謂家康曰公勿復言臣視殿下近狀彼為野狐所憑爾
 秀吉大怒扣刀而踞曰吾為狐憑有說乎無說則死長政
 曰方今海內苦於調發漕運殿下今西征明日亂作臣固
 不辭死甘伏斧鉞秀吉不懌而罷居亡何肥後人梅北叛
 陷熊本城秀吉大驚急召長政曰吾甚慙於汝也命汝子
 幸長討賊未發國人斬梅北來獻乃止秀吉譜 ○秋八月夫
 人淺井氏生男秀吉大喜還大阪名曰秀賴太閤記 ○冬十
 月李昫還國都德慈錄 ○冬十一月清正攻安康破之先是
 內藤如安齋秀吉書與惟敬如明明主疑如安不敢納舍
 之遼東至是如安遣燕京和議始成征伐記 ○三年甲春
 正月秀吉大城伏見 ○召還朝鮮諸將獨留行長等守釜

李昫還國都

伏見城成

頒新令六條

山 ○二月秀吉游吉野觀花諸侯皆從征伐記 ○三月又
 游醍醐觀花命諸侯警衛道路觀游之盛古今未有也室町
 記 ○是秋伏見城成秀吉徙居焉武德大成 ○是歲和泉商航
 至呂宋及還獻麝于秀吉太閤記 ○四年乙未秋七月關白左
 大臣秀次罷補任秀吉以其淫虐暴行逐之高野尋賜死收
 其子及姬妾數十人斬之三條磔瘞一坎名曰蓄生塚又
 毀聚樂徒邸第于伏見秀吉譜 ○八月秀吉誦右大臣藤
 原晴季于越後補任以秀次姻戚連坐太閤記 ○秀吉頒新令
 六條曰禁國郡主私嫁娶曰禁結盟樹黨曰禁鬪爭曰禁
 多畜侍姬曰禁留連飲酒曰禁壯年來輿 ○初西洋人託
 貿易來倡耶蘇教至是秀吉怒其惑民收伴天連六人及

傳 卷之四

礫異教徒

慶長元年

明韓使來

封秀吉為日本國王

其徒二十餘人。礫之長崎。禁通市。長崎人固請許之。秀吉譜

○慶長元年。丙申秋七月。京畿地大震。伏見城壞。壓死數百人家。康夜率兵入衛。秀吉曰。不知皇官何如。吾當與卿省焉。乃遽出。從者未屬。家康以其兵擁之。而道路暗黑。秀吉脫刀。授之曰。吾老矣。覺刀之重矣。以煩卿也。家康不敢執。乃授井伊直政。己而秀吉從兵踵至。遂入朝而還。太閤記

○八月。外征諸將引還。明韓使偕來。秀吉譜 ○九月。秀吉召見明使楊方亨。沈惟敬。惟敬進封冊金印。冕服。翌日饗使者。秀吉著明服。命僧承兌讀冊書。行長私屬曰。冊文與惟敬所說。或有齟齬。子且諱之。承兌不聽。入讀。至曰。封爾為日本國王。秀吉變色立。脫冕服。拋之地。扯裂冊書曰。吾掌

逐明韓使
再起征韓之役

握日本。欲王則王。何待髯虜之封哉。且吾而王。如天朝何。乃召行長。併明使。誅之。承兌救解。乃止。即夜逐明韓使。遂徵西南四道兵十四萬。再命西征。秀吉譜 ○西洋船漂著土佐。曰。至新伊。斯把備亞。交易。遇颶。船壞。秀吉命修治。船與米薪。還之。大閣記 ○是歲始製金幣一分小判。是曰慶長金。舊章錄 ○五年。事畧曰。慶長四年始造。分判。 ○二年。丁酉。春正月。以小早川秀秋為元帥。毛利秀元。浮田秀家為副。黑田孝高。充其參謀。兩先鋒及諸將皆如前役。使小西行長立功。自償。秀秋秀吉姪。為隆景嗣子者也。秀吉譜 ○二月。加藤清正先入韓。復竹嶋舊壘。連降機張。梁山。山西。生浦。行長改築釜山。為元帥府。韓王李昞奔海州。武德大成 ○夏四月。豐臣秀賴任

李昞出奔海州

國史卷之四

三十一 島 秀吉

權中納言補任○楊方亨還。不告以實。至是始吐本末。委罪

惟敬。并呈石星前後手書。明主大怒。逮石星下獄。遂大發

兵。以兵部尚書刑玠為總督。明史○秋七月。藤堂高虎加藤

嘉明等攻韓將元鈞於閑山。唐嶋大破之。平壤錄○八月。行

長又破之。於加德。斬鈞。進陷南海順天。遂與清正合攻。陷

黃石城。又攻韓將楊元於南原。走之。進入全州。明將陳愚

衷敗走。於是慶尙全羅二道盡定。明史平壤錄○九月。黑田長

政與明將解生楊登山。牛伯英戰于稷山。走之。秀吉譜○冬

十一月。明將邢玠麻貴楊鎬將明韓兵數十萬攻清正。圍

蔚山。清正與淺野幸長堅守。不屈。鎬貴知其不可力取。乃

下令休戰。合圍十晝夜。斷我汲道。城兵飢渴。皆嚼紙煎壁

蔚山之役

大雪

有馬氏焚南蠻船

築耳塚

置五大老中老

上刺馬。飲其血。馬盡乃飲。溺。夜出城外。搜明人戶。取其所

佩糗糧牛炙。食之。天大雪。士卒瘡痍。有墮指者。明史懲錄○

是歲南蠻船泊硫黃嶋。高久城主有馬氏掩焚溺之。先是

蠻人掠略有馬氏舟也。華夷通商考○三年。戊辰正月。秀秋與

諸將分道救蔚山。敵軍解圍。清正出城追躡。大破之。征伐記明

史○夏五月。秀吉遣使諭諸將留清正。行長及嶋津義弘

等十餘帥分守諸城。其餘罷歸。諸將報斬獲功。獻其所馘

秀吉命築京觀。號曰耳塚。秀吉譜平壤錄○秋七月。秀吉疾病。托

國事于德川家康。家康辭。乃置五大老。三中老。五奉行。以

德川家康。前田利家。毛利輝元。浮田秀家。上杉景勝。為大

老。中村一氏。生駒親正。堀尾吉晴。為中老。淺野長政。石田

定七隊長

收征韓兵

太閤秀吉薨

三成增田長盛長束正家前田玄以為奉行曰小事決奉
 行大事決大老若有大老奉行不協則中老和解之更命
 利家輔秀賴以片桐且元小出秀正為其傅木村重成薄
 田兼相渡部糺副之分親兵為七隊各置其長以速水守
 久伊東長次青木一重真野宗信中嶋氏種野野村吉安
 堀田高正任之命長政三成使收征韓之兵武德○八月
 十三日前關白豐臣秀吉薨伏見城年六十二補任梵○
 九月明將董一元茅國器帥兵一萬攻義弘壘夾晉江軍
 義弘在新寨不敢出敵連拔三四壘乘勝直來新寨義弘
 與子忠恒奮擊大破之追奔斬首三萬餘級明兵伏尸二
 百餘里既而秀吉之訃至諸將整軍歸○冬十一月諸將

秀賴徙大阪

至伏見謁秀賴秀吉○是歲蒲生秀行有罪削封徙宇都
 宮封上杉景勝於會津武德○四年己未春正月前田利家
 奉秀賴徙大阪家康在伏見代秀吉視天下之事與前田
 利家等論外征諸將功奏賞之三成長盛相謀曰德川與
 前田協心出政我輩徒為其所驅役方今之計莫若離二
 家二家已離乃可以逞乃二人離間之二家由是有隙既
 而細川忠興調停之武德○三月家康如大阪三成長
 等將襲之前田玄以沮格之關原合○閏月前田利家疾
 病奮曰天下汹汹吾不目嗣君成立而死死不瞑矣遂卒
 子利長嗣○加藤清正淺野幸長福嶋正則池田輝政黑
 田長政加藤嘉明等與三成不協合謀將誅之家康和解

豐國大明神

家康徙大阪

上杉景勝數家
康十罪

豐國大明神

豐國大明神

之諸將不聽乃罷三成職屏居其邑澤山武德大成○三成密與上杉景勝通謀約族明歲東西舉兵以討家康闕原記

○夏四月秀吉廟成詔賜號豐國大明神補任○秋七月秀

家輝元景勝利長及其餘諸將皆歸國闕原記大全○家

康徙居大阪西城○冬十月家康流大野治長於下野土

方雄久於常陸屏居淺野長政於武藏下令北伐前田利

長利長質其母先是有流言治長等援利長以圖家康故

及○五年庚子春二月毛利輝元至大阪與家康約曰自洛

以東君制之洛以西吾制之協心戮力以輔嗣君家康從

之既而輝元歸國○家康屢促景勝入覲景勝答曰我受

大闇遺旨鎮守東陸何受家康令也乃數其背盟十罪家

石田三成舉兵

康大怒自將伐景勝命烏川元忠松平家忠內藤家長守
伏見城○夏五月家康發伏見細川忠興京極高知等皆
從兵凡五萬餘人武德大成○石田三成至大阪與增田長盛

長東正家等議移書遠近曰家康有罪嗣君命討之苟念

太閤恩誼者宜來戮力諸侯來會者四十餘人為應援者

三十六國兵凡九萬三千三成乃推毛利輝元為盟主遣

浮田秀家小早川秀秋嶋津義弘等攻伏見城小野木重

勝等攻田邊城毛利秀元等攻阿濃津京極高次徇北陸

合戰誌安○秋七月家康至下野小山烏井元忠馳使告

變家康引軍還江戶留秀康於宇都宮使當景勝自將西

征家康自海道秀忠自山道武德大成○八月伏見城陷

伏見城陷

國史略

卷之四

三十五

高松樓藏

鳥井元忠戰死

初外城已陷。元忠之卒勸其自殺。元忠曰：未也。殺敵一人亦非報國乎。乃嬰壁亂射。殺傷過當。敵發火箭焚樓櫓。隨撲隨燎。元忠知不可守。麾兵二百開門血戰。七合七克。敵衆群進。城兵皆斃。至廝養之卒無不戰死。元忠杖薙刀踞階而息。敵人雜賀重次進欲擊之。元忠曰：吾本城大將也。授汝首。重次橫鎗揖曰：僕豈敢。君請自刃。元忠乃使重次釋己鎧。自割服而死。年六十二。重次到而表之。并諸將首傳于大阪。慶長記 ○岐阜城主織田秀信爲三成城守。其老諫曰：公與德川有姻婭親。小牧之役舉國翼我。爲今計者莫如絕三成以親德川。秀信不聽。三成修大垣塹壘。以爲根據。○九月十四日。三成出軍關原。秀家義弘及小西行

關原之役

西軍大敗

長安國寺惠瓊等背伊吹山而軍。大谷吉隆平塚爲廣軍。其後小早川秀秋軍松尾山。脇阪安治朽木元綱軍山下。毛利秀元長束正家拔阿濃津來軍。南宮山騎卒凡十二萬八千。武德大成 ○十五日黎明家康進陣。關原騎卒凡七方五十。福嶋正則爲先驅。細川忠興黑田長政藤堂高虎相繼而進。會天大霧咫尺不可辨。及霽正則衝秀家軍。黑田長政冒三成軍。忠興擊義弘軍。本多忠勝指麾諸軍。敗三成。成義弘軍既而兩軍大戰。而秀元秀秋按兵不動。先是秀元秀秋與安治元綱等密送款。關東至是秀秋下山直突吉隆軍。安治元綱等合勢應之。吉隆遂敗死。兩軍接戰。自辰至申。西軍大潰。東軍乘勝追北。斬獲三萬二千餘。原草

三成行長伏誅

為赤。三成行家走匿伊吹山。惠瓊匿鞍馬。合戰家康攻澤山，拔之。以三成不在，縱兵捕三成行長惠瓊，進至草津。天皇遣使勞之。武德大成初，秀忠至上田，真田昌幸據城拒守，攻圍旬餘，城堅不拔，遂解去。至是，會家康於草津，家康不離。合戰○冬十月，誅石田三成、小西行長、僧惠瓊、梟首三條。積開原記削毛利、輝元八國，食周防、長門二國，收浮田、秀家三國。秀家奔薩摩，捕流八丈嶋。放織田秀信、增田長盛、真田昌幸父子於高野山，徙立花宗茂於陸奥，義弘歸國。兄義久囚之，降上杉景勝。佐竹義宣亦出降。加藤清正初知三成必舉事，止家康東行不聽，乃歸其國。逢大阪檄至，曰：是倭豎託幼主，以濟其私也。乃發兵攻小西行長城邑。

景勝出降

家康開東八國為根據

盡并之。會黑田孝高平定西海，南海亦繼定。武德大成○十二月以前，關白左大臣兼孝為關白。神任御湯殿日記家康以關東八國為根據之地，居江戶城，封松平秀康於越前，松平忠吉於尾張，井伊直政於近江，澤山本多忠勝於伊勢，桑名奧平信昌於美濃，加納石川康通於其大垣，酒井家次於上野，高崎內藤信成於駿河，府中松平忠賴於濱松，本多康重於岡崎，為內藩，其餘盡為外藩，封前田利長於加賀，能登越中，加藤清正於肥後，小早川秀秋於備前，美作福嶋正則於安藝，備後黑田長政於筑前，池田輝政於播磨，細川忠興於豐前，淺野幸長於紀伊，田中吉政於筑後，京極高知於丹後，若狹中村忠一於因幡，伯耆堀尾吉晴。

於出雲隱岐山內一豐於土佐蜂須賀至鎮於阿波生駒
 一正於讚岐加藤嘉明於伊豫大洲藤堂高虎於其今張
 金森可重於飛騨有馬豐氏於丹波福智山德永壽昌於
 美濃高須一柳直盛於伊勢神戶富田知信於其阿濃津
 古田重恒於其松阪筒井定次於伊賀真田信幸於信濃
 上田池田長吉於因幡鳥取戶川達安於備中庭瀨木下
 延俊於豐後日出給薩摩大隅日向于嶋津忠恒長門周
 防于毛利秀元肥前于鍋嶋勝茂令諸冒豐臣氏者皆復
 本姓而秀賴唯食攝津河內和泉七十六万石而已武德大成
 續王代一覽○是歲荷蘭船始至通互市史選○佐渡國始出銀
 初上杉謙信稍得坑礦採為軍資秀吉聞之徙上杉氏封

荷蘭始互市
 佐渡國始出銀

搜之未得而覺至是發鑛取之萬章錄○六年辛春正月家
 康在大阪西城秀忠在外城入見秀賴於牙城列侯諸將
 亦入西城賀正續王代一覽○三月伏見城成家康徙馬○夏
 五月家康奏加供御之地及廷臣食邑給豐國廟以一万
 石其他寺祠皆給采田初本願寺光佐助豐臣秀吉西伐
 誘其門徒通薩摩之道以功建寺于京師六條光佐死三
 子日光壽曰顯尊曰光昭光昭以遺命為法嗣及家康東
 伐光昭光壽送之為石田三成所沮光壽獨間行達歸匿
 京師己而家康西上光壽迎之大津家康乃為建一寺于
 本寺東令天下門徒分屬兩寺關原記大谷嫡庶記○是歲石見鑛
 出黃金又造大小判一分銀丁銀豆板五事○七年壬春

建東本願寺

家康為征夷大將軍

三月家康往大阪賀正尋還伏見後以為常御年○八年
癸卯春二月以德川家康為征夷大將軍進右大臣其餘親
 戚將吏叙任甚多補家康入朝拜命天皇賜酒曰天下亂
 久矣汝能略定之朕勳汝功使舉乃祖之職宜統我師以
 鎮護王室時慶○夏四月豐臣秀賴為內大臣補○秋七
 月家康以孫女嫁秀賴秀賴時年十一女甫七歲稱千代
 姬使大久保忠隣送女于大阪史○冬十月家康封九男
 賴宣於常陸水戶武○九年甲辰春二月家康命東北三道
 定道程植楸樹以三十六丁為一里已而西南四道皆例
 之落穗○冬十一月關白兼孝罷補○是歲藤堂高虎倡
 議使諸侯置邸及質于江戶相良氏首納其母眾繼之史

定道程

家康與朝鮮和

○十年己巳春二月家康入朝見韓人孫文或令諸道
 檢韓俘返予先是家康謂對馬守宗義智曰豐臣氏伐朝
 鮮非我所知我與彼皆無怨仇彼苟欲入貢我當許之然
 非自我求和子體此意往試計之義智遣使諷之朝鮮朝
 鮮大喜使孫文或請入見且求還其俘囚義智乃率至京
 師至是家康謂義智曰吾將老矣貢使來致之江戶且曰
 吾欲舉鎌倉禮使秀忠拜賀期在近宜使韓人觀其儀也
 乃賞義智以肥前田二千石殊號○三月德川秀忠率東
 國諸侯西上陪從十萬餘人本續王○夏四月家康辭
 大將軍以秀忠為內大臣補大將軍補自是世稱家康曰
 大御所孝亮○豐臣秀賴為右大臣補○秋七月左大臣

秀忠為大將軍

南蠻貢烟州

修拓皇宮

修江戶城

國史卷之四

南蠻傳

藤原信尹為關白補○是歲南蠻始傳烟草種民喜樹之

烟管製造徧天下秀忠憎其亡益禁之史○十一年丙春

正月家康令諸侯修拓皇宮十三朝○三月大修江戶城

使藤堂高虎率池田福嶋加藤黑田淺野細川等十五氏

助工御年○夏五月高臺夫人建一寺於東山以祈故太

閻冥福名曰高臺寺基碑○秋九月江戶城成宏壯稱天

下第一家康賞高虎功以備中地方石是月使嶋津忠恒

冒松平氏且賜偏諱改名家久自是諸侯多倣之一本續

覽○冬十一月關白信尹罷左大臣藤原信房為關白補

○十二月禁永樂錢初自足利氏聘于明多用永樂錢於

是以鑄錢四換永樂錢遂用鑄錢神曆○是歲家康欲

禁永樂錢

城駿府

老駿府徙駿府城主內藤信成于長濱○十二年丁未春正

月課海道及關西諸侯城於駿府御年○夏四月參議秀

康卒武家秀康英明大得民心及疾遣女使於駿府乞加

增家康與一書曰嘗欲加近江及下野為百万石以俟其

瘳女歸以告之女使歸途遇訃更至駿府返書曰是內旨

也不可漏越人聞之悔憤落集或曰幕府忌其英明遣

美女其女有瘡毒秀康遂不起○五月朝鮮使者呂祐吉

等至江戶獻書及方物又至駿府謁家康自是永為屬國

每將軍禪代必輒來一本續○是歲尾張城主松平忠

吉卒無嗣封義直于尾張義直家康第七子也武○十三

年戊申冬十二月關白信房罷以右大臣藤原忠榮為關白

征琉球

琉球王降

神宮成

補任○家康開經筵以博士林信勝為講官信勝以該博強記聞家康嘗試問史子疑義數條應答如響剖拆不遺遂聘為儒員以備顧問言行錄○十四年己酉夏五月嶋津家久擊琉球降之先是家久奉幕命招琉球不至遣其將新納一氏南伐樺山久高為先鋒抵東求嶋執其戍兵三百進攻灘巴津虜以鍊鎖聯船扼守津口而津傍有山險多蛇蝎虜恃不置戍我軍放火樅山而上遂取要溪灘轉攻虎築城拔之五戰而至國都琉球王尙寧面縛出降擒王子大臣數十人置戍而歸家康以琉球賜家久為其臣隸琉球

征伐記○秋八月伊勢兩宮成巫祝爭遷官前後各引舊典訴之勅使家康決之九月奉幣於神宮先遷皇太神宮于

定諸侯會同期
禁造戰艦

城名護屋
再造方廣寺

正殿後奉豐受太神宮於正殿自天正壬午歲改造兩宮二十五年於茲矣於是二十一年為改造之期定為永神鏡記談御典浴殿日記○家康徙富田知信于伊豫宇和嶋先是伊賀城主筒井定次以淫虐收封至是以伊賀伊勢賜藤堂高虎治于阿濃津藩翰譜○冬十二月家康封九男賴宣於駿河遠江十男賴房於水戶武鑑○是歲諸侯妻子盡至江戶令其會同者隔年交代著為永制禁西諸侯造戰艦逸史○十五年庚戌春二月詔豫期三月讓位命諸司設儀衛所司代板倉勝重私奏曰將軍亡女愁歎殊甚請以延期帝弗憐孝亮記○三月家康為義直城名護屋課諸侯助役言行錄○夏六月豐臣秀賴再造方廣寺以片桐且元董役

年代記 ○秋七月。家康與書福建官司。請依足利故事復

交勘合印。不答。乃賜書廣東商舶曰。汝等來我邦。宜任意

互市。若有姦盜者。我即戮之。通書引長崎日記 ○冬十月。又禁喫

烟艸。○十六年。辛卯春三月。家康入朝。朝旨欲以家康為太

政大臣。辭不拜。奏請祿祖考。乃追贈源義重鎮守府將軍。

源廣忠。大納言。參松傳 ○家康使人謂豐臣秀賴曰。自結婚

未相見。恐生物議。願一來以定衆情。淀君不欲。加藤清正

淺野幸長曰。臣輩以死守郎君。必無患矣。乃遣秀賴。家康

享之。一條城饗畢而還。難波軍記 ○帝禪位于皇太子。紹運元

和三年八月。崩。壽四十七。孝亮記 葬泉涌寺。藏御骨於深草

法華堂。年代畧記 紹運續錄

紀元二十
百七十一
年

後水尾天皇諱政仁。後陽成帝第三子也。母中和門院藤原

氏。關白前久之女。皇胤紹 ○十六年。辛亥夏四月。即位。于紫

宸殿。時年十六。仍用慶長號。孝亮記 ○五月。家康令諸侯修

上皇宮。多置供御之田。又檢御府所亡失秘書寶器。索流

傳世間者。悉獻之。國史實錄 ○六月。肥後國主加藤清正卒。子

忠廣嗣。清正赴江戶。多士卒。又必過省。秀賴因置邸於大

阪。如故。時男子必剃其鬚髻。而清正長髻白喜。家康謂之

曰。以予觀於公。有可去者三。長髻一也。大阪邸二也。東行

從兵三也。清正曰。吾戎服著銅面。有髻以為之籍。則肅然

無有搖撼之患。撤大阪邸。是弃大閣舊誼。不以兵自從。緩

急不及事。皆不可去也。一本續王 ○秋八月。阿媽港。曾東

修上皇宮

阿媽港人請互市

魯訥來謝請互市許之先是。我買船至阿媽港者三百人。皆為其所殺。唯三人逃歸告變。其後港商二百人至長崎。長崎奉行長谷川廣智以幕命殲之。港人悔先非來謝給印信而還之。史。逃○京師人田中莊助曰。臣聞海東八九千里有國曰新伊須把備亞多。產黃白金。請一往試之。乃遣之。至是歸獻五色羅紗。蒲桃酒等。錄。言行○九月置荷蘭人耶楊子於江戶東郭。用其言禁耶穌教。命南禪寺僧崇傳改歸佛教。不從者處以流斬。時夷蠻入貢乞互市者二十餘國。乃以長崎為互市場。禁他港。碇泊。崎陽。拾芥○先是京師豪商角倉貞順。疏鑿西川上流。通丹波之漕。又鑿高瀨川。達伏見。至是功成。尋通甲斐。駿河之漕。民皆便之。錄。言行○

禁耶穌教

二十餘國乞互市

關武藏野

鄭芝龍歸化

定文臣法五條

始置老中

諳厄利亞來

十七年。壬子夏六月將軍秀忠關武藏野為市塵。徙京師大阪及界豪商實之。史。逸○關白忠榮罷。右大臣信尙代之。神任
 ○秋九月。明鄭芝龍歸化。詣駿府獻藥物。史。逸○有馬晴信修邪蕪教。家康捕賜死。有馬家譜○十八年。癸丑春正月。家康命三十七諸侯修皇宮。御年譜○家康使秀賴加片桐且元大野治長祿各五千石。時且元與木村重成。薄田兼相及七隊長。以遺命保護秀賴。而治長。淀君乳母子。織田長益。淀君季父也。以故皆見親信。寢與且元相軋。秀賴事記○二月。家康定文臣法五條。其一曰。公卿日夜學問勿懈。御年譜○冬十月。家康始置老中。執天下政。武德大成○是歲諳厄利亞始至。平戶交易十年而止。殊号○十九年。甲寅春二月五日。雪

增補
慶長十九年正月
定虛無僧條
且初僧學心入
宋得法曲歸朝
游化諸國弟子
虛竹最得管曲
之妙嘉慶中極
正勝彼絡荒圃
豈吹管游化世
稱虛無者至是
設其宗則
家康修朝廷舊

星見東方。是日。大阪天主閣。有黑氣衝天。狀如狼烟。衆趨救。則無見。秀賴命韓人李文長筮之。遇否之。謙文長占以易林。其貞曰。秦為虎狼。與晉爭強。并吞其國。號曰始皇。其悔曰。人面鬼口。長舌如芥。斬破瑚璉。殷商絕後。秀賴大懼。用幣於巨祠。名利禳之。○秀賴已長。群臣欲狹以復舊業。大野治長。渡邊糺等。為謀首。竊散金帛。募士。所司代板倉勝重。視知之。以報駿府。事記 ○三月。家康大修朝廷舊章。獻之。而定江戶及列國縣邑制度。以行之。東遷基業 ○夏四月。秀賴鑄方廣寺巨鐘。使東福寺僧清韓銘之。孝亮 ○秋七月。方廣寺成。秀賴將親往。落焉。遣片桐且元告之。駿府家康成。以源賴朝落東人寺。儀且元復命。卜八月三日。及期。

家康讀鐘銘

公卿以下皆會。會家康讀鐘銘。至國家安康之句。怒曰。是斷截我名也。序又有大小釋迦迭為主伴之語。益怒曰。是咒詛我也。秀賴何為。至於此乎。召林信勝僧。天海問之曰。大阪反側日久。意實不可測。乃馳駟命板倉勝重。詰其文意。且停慶儀。且元曰。是奉行之罪。非主君所知也。今大儀將成。衆人已聚。而遽停之。恐驚人目。願畢禮。然後毀滅。銘文甘心伏誅。勝重不肯曰。是成詛也。遂停慶儀。物情騷然。秀賴事記 ○且元召問清韓。清韓不服。乃使清韓赴駿河陳謝。而自與弟貞隆。大野治長。繼赴之。家康執清韓。命板倉重昌如京師。命五山僧註疏鐘銘。僧多証其詛。且元至鞠子驛。家康拒而不入。遣歸貞隆治長。而獨召且元。詰問之。且

家康貴問且元

且元建三策

元陳謝其力。淀君又使二女赴謝。家康厚饗之。溫言慰籍。不復及銘詞。二女大喜。與且元皆告歸。上途。家康獨留。且元。東遷基業難波軍記○九月使本多正純僧天海責且元。曰。將軍意終不可解。右府何以爲信。且元請其旨。不答。且元曰。請赴江戶。取將軍旨。一人白馬。既而正純出。曰。將軍意亦與我同耳。卿歸而圖之。且元遂辭去。馳及二女於上山驛。曰。前將軍逼我。以右府表信。吾揣其意。蓋有三策焉。避大阪。徙他下策也。右府托姻姪東行。中策也。淀君東與妹氏同居。上策也。三策行一。庶幾無事。二女不言。退而相言。曰。東旨豈至於此。是片桐欲賣我君也。先歸。具言。淀君。淀君大恚。曰。吾雖太閤妾也。於右府爲生母。何屈辱關東哉。寧與

且元奔茨木

秀賴大募兵

大阪冬役

右府枕城而死。乃欲誅且元。舉兵。且元舉族奔其邑茨木。德川記難波戰記○冬十月。大野治長等勸秀賴。移檄四方。所在潛匿者。諸國亡命者。爭先來聚。城中步騎至六萬人。然有土將士無一人應者。治長颺言曰。雖諸侯伯不至。通致於我者多矣。東軍雖多。不足患也。遂修守備。淀君亦自擐甲跨馬。巡視諸營。難波戰記○家康戒嚴。以藤堂高虎爲先鋒。親將中軍。東海諸侯從之。秀忠督關東及奧羽兵。繼之。井伊直孝攝軍而行。逸史○十一月。藤堂高虎。本多忠政。次大仙陵。松平忠平。軍於飯盛。德川記淺野長晟。軍於勝間。大阪秀忠兵五十萬次牧方。家康發京師。軍於住吉。秀忠進軍於平野。落穗集佐竹義宣。上杉景勝。本多忠朝。自鶴野。前田利

常自玉造。松平忠直繼之。蜂須賀至鎮自今宮。池田利隆。池田忠繼。京極忠高自牧方。進入備前嶋。大坂記○城將謀議不一。互生嫌疑。遂以其部下出城者衆。矢野正倫築寨於今福。飯田家貞壘於蒲生。井上賴次屯於鷓野。以拒東軍。○蜂須賀至鎮襲穢多崎。守將明石掃部戰敗而走。池田利隆。淺野長晟。戰福嶋新家。九鬼嘉隆宵奪軍艦。守兵死之。○上杉景勝攻鷓野。井上賴次渡邊糺等拒戰。賴次死之。衆潰入城。景勝截大和川西岸。植柵設銃七隊。長及治長等率萬餘騎。擊景勝。奪其外柵。東兵發銃。齊進。城兵死者數十人。○佐竹義宣攻今福。守將矢野正倫飯田家貞死之。義宣前入片町。城將木村重成。後藤基次聞急馳

鷓野戰

今福戰

基次燔寨收兵

幸村守偃月城

至。重成奮戰。躬冒矢石。指揮士卒。令一銃手徑水田。橫擊基次。亦泛舸於澤中。放銃擊義宣。義宣敗走。今福渡邊糺躡之。義宣殊死戰。會堀尾吉晴丹羽長重來援。重成遂收兵而還。德川記秀賴事記○天皇遣使德川營。慰勞家康。秀忠御○城兵議曰。諸砦失守。敵兵稍迫。宜撤天滿船塲。戍戮力本城也。乃遣基次燔寨收兵。基次伏壯士。誡曰。備前兵必先至矣。汝等擊之。勿失。池田忠繼望烟將馳。其老花房職之諫之。伏兵無功而歸。基次曰。是花房止之也。大坂記逸史○十二月。越前先鋒本多富正引兵而進。會朝霧四塞。城中失火。富正謂城中有內應者。急攻之。井伊直孝前田利長薄。偃月城。真田幸村善拒。利長不利而退。與田日記秀賴事記○

家康徙營於茶臼山。秀忠徙於岡山。令毛利秀就福嶋正勝以土豚壅淀川於長柄。大和川於鳥飼。數日而外惶皆涸。諸軍起堙樓。瞰城中。家康令諸軍放銃鼓。躁者三夜。城中震駭。又令諸軍射書城上。曰：降者有賞。於是人人疑懼。難波軍記逸史 ○家康欲議和。弭兵。令本多正純貽書城中。又使賈人光次往請和。秀賴會諸將議之。後藤基次進曰：外無應者。而內有貳者。以有貳之兵。守無援之城。城內糧仗雖多。不足恃也。不若速講和。以為後圖。秀賴不聽。織田長益大野治長入說淀君曰：敵已迫矣。危在旦夕。而彼倡和。是天祚我也。家康已老。彼而死。東方當一舉而定矣。今收兵為後圖。洵為上策。淀君以為然。令秀賴決之。遂使人依本

和家康以三件議

多正純以成。和家康約曰：撤外壘。填周池。否則可徙於郡山焉。家康秀忠巡視。至天滿。城中望旂幟。將發大煩。基次止之曰：丸不達矣。且二將所謂天授。無自速禍也。難波戰記事記 ○秀賴使人報家康曰：撤壘填池。謹聽命矣。敢請為客兵。加食邑。家康作色曰：客兵我仇也。釋之恩已多矣。何與米邑以養之。遂逐使者。及晡使復至。曰：願避城。徙封易攝河泉。以阿讚豫。家康曰：易以房及二總。淀君不欲東議。乃止。難波軍記逸史 ○家康嘗令真田幸村叔父信尹招幸村。幸村謝曰：見危舍義。丈夫所不為也。於是城中訛言。基次幸村皆有貳心。衆心益動。真田記 ○天皇遣使傳詔。肯於家康曰：卿以耄耄冒風雪。蒞戎事。朕一人以憂之。宜還於京師。以休

備前島大煩毀
開第二層

治長議和

家康入京師

息焉。天使私之曰：「即欲和議，論秀賴成之如何。」家康誓首曰：「軍旅臣之職，至和議臣自能修之，不以勞聖慮。」敢辭。秀賴

事記大 ○淀君登天主閣，以眺東軍營壘四起，旌旗飄空。阪記

淀君大驚。十三朝會備前嶋軍發大煩中閣第二層楹棖

摧折侍婢，塗粉。淀君震怖而下，急召長益治長議和。落穗集

賴事 秀賴不聽，曰：「吾固以此城為死所也，何和之為？」秀賴

先是家康令女監阿茶如京師，迎京極高次母常光院常光院，淀君之妹也。是日常光院入城，諭秀賴，秀賴不得已而和焉。落穗集

逸史 明日長益治長出子為質，秀賴使木村重成出蒞誓家康，使板倉重昌入蒞誓。諸軍皆撤圍，乃發卒填塹。本多正純成瀨正成安藤直次董之家康還於京師。

元和元年
家康秀忠東歸

填周池

德川記 初家康之入京也，命林信勝僧崇傳求公卿庶尹，落穗集 記籍令曰：「今日秘而不出者，皆廢為故紙。」於是遺書多出，乃使五山僧五千人開局，磨鈔家康上書，請假御書。上皇發秘府授之。至此磨成，納其一於御府。逸史 ○家康入朝，天皇及上皇慰籍甚篤。○家康奏曰：「朝廷典議廢弛日久，請按舊籍以補闕漏。」落穗集 於是釐正白馬踏歌節會及准后親王爵祿，著為永制。大阪記 ○元和元年卯春正月，家康發京師歸於駿府。秀忠入京師，尋歸江戶。諸侯皆罷，就國。○役夫已隳羅城，煙空濠遂及內湟。治長大愕，馳見正成，曰：「所約止於外郭，塹壘何見，迫之甚。」正成曰：「我唯聞填周池之命，未聞有內外之別也。且天下已平，何用濠塹？」如

秀賴再募兵

欲存之豈無異志哉。治長不能對而去。正成益發。役夫日夜督責。塹壘悉夷。所存唯牙城一湮而已。○二月秀賴潛傳檄募兵。曰。大阪金城也。去歲之冬。圍以天下兵。猶不能拔焉。先公威靈之赫。亦可以見也。今欲再舉以圖恢復。有志之士。宜來而輔我之不逮也。於是四方士復稍聚。江戶人小幡景憲。有罪亡命。大野治房欲用之。景憲陰與板倉勝重。松平定勝。約而往。治房告以密計。景憲因勝重。定勝以通駿府。於是大阪事情悉洩。而秀賴不之知也。史○三月。秀賴遣青木一重及姆大藏尼正榮於駿府。請賑群臣。時德川義直將娶淺野氏。家康曰。尾州婚期在近也。山東婦女不習禮節。汝等往監焉。婚畢則吾西上。以議其所請。

大阪冬役

大野治房燔法隆寺

女使遂如尾張。潘德集秀賴又遣伊東長實伺關東事情。亦不歸。衆情疑懼。難波軍記秀賴謂幸村某次曰。嚮雖與江戶講和。事勢今如此。不可徒止也。然我幼冲。未熟弓馬之道。若及死期而躊躇。卿等其扶翼之。莫使貽汚名於後世也。秀賴親巡視城內。秀賴事記兵士合新舊。僅十五萬人。史○家康召諸道兵。令秀忠部分之。松平忠輝不喜處守。黑田長政加藤嘉明亦請從。皆許之。時京師訛言。大阪之人火京師。以為戰地。物情騷然。所司代板倉勝重以告家康。乃使井伊直孝。本多忠政。藤堂高虎。松平忠明。屯東寺及淀。以護衛京師。訛言乃止。秀賴事記○夏四月。大野治房率兵五千入大和。燔法隆寺。侵掠郡山城。將筒井定慶走松

倉重政以兵五百備之。治房不戰而退。重政尾擊殺十餘人。難波軍記○家康至名護屋。召大阪之使曰。余聞右府復聚兵。盟血未乾。何失信之甚也。余欲觀兵。以問其罪。遂遣常光院於大阪。諭秀賴以避大阪。從於他。則聽其所請。淀君欲許之。秀賴作色曰。弓馬之事。非婦女子所議也。秀賴於事記於是城中大議戰備。真田幸村曰。城壁不完。柵池不整。而侯伯無一人送款者。坐受大兵。非謀也。請速入京師。挾天子以號令四方。長曾我部盛親。後藤基次皆贊之。秀賴弗聽。增田長盛曰。此城三面帶水。而南為平原。東軍之來。必自南矣。臣等率精兵直衝其中。堅天若。昨於我。必勝矣。議決乃柵於羅城。故址鑿舊溝。二尺許。設二重墻。以為固。○家

家康入京師

康入京師。常光院及命。又使賈人光次如大阪。講和不應。○秀賴使後藤基次於道明寺。真田幸村於平野。其子幸昌及族信連於天王寺。木村重成於若江。長曾我部盛親於八尾。久寶寺。薄田兼相於大和口。旗嶋重宗。井上時利。北川宣勝等。於玉造。御宿。正倫。多田滿範。大谷吉胤。渡邊糺。森勝。永石川數矩。福嶋正守。於茶臼山。大野治長。於岡山。以防。東軍。堀田勝喜。速水時之。真野賴包。野野村雅春。中村氏種為游軍。難波軍記大野道見略近邑。縱火於界浦。會東將九鬼守隆。向井忠隆等至。道見急收兵却。大阪史○家康令石川忠總守高槻。池田利隆。松平忠繼屯尼崎。山陽山陰兵自神崎。南海兵自和泉。松平忠輝自大和。

東軍入河內

口仙臺及大和伊勢美濃諸軍隸之上杉景勝次男山護京師於是先鋒藤堂高虎自淀井伊直孝自伏見柳原康勝本多忠朝自竹田皆入河內○大野治長塙直之淡輪重政岡部則綱率兵三千至和泉與東將淺野長晟戰於檜井而敗直之死之治長適在佐野聞急赴援不及而還難波軍記○五月五日家康秀忠發京師令曰諸軍齋三日糧秀賴事記○後藤基次曰敵已迫矣諸君宜為之備率所部南出夜半過平野失途至古市曰前有一帶水後有譽田林宜留戰於此黎明登片山放銃走東將松倉重政會堀直寄來援重政反戰城將薄田兼相渡邊糺援之水野勝成丹羽氏澄亦來援連戰未決本多忠政松平忠明及仙

譽田林戰

後藤基次戰死

臺片倉景綱來擊基次基次盡亡其眾從騎僅十一人遣人謂兼相曰吾子努力我將死也裏創復進中銃墮馬從者扶而退至柏原死兼相奮鬪死之糺馳人謂真田幸村曰我創衆死不能支也子急繼之幸村乃與大谷吉胤大野治長等赴援兵凡二萬五千勢復振陸奥兵長騎戰幸村知之登譽田東岡隔林而軍待敵來逼執槍沮之騎不能進幸村轉登南岡與糺收兵更殿而退治長與美濃尾張兵戰大敗吉胤死之難波軍記木村重成在若江與井伊直孝戰亦死之長曾我部盛親擊藤堂高虎破之進至矢尾堤高虎直孝合兵來迫盛親敗退盛親之出也步騎五千及還僅餘數騎德川記○城中諸將相議曰今日之

矢尾堤戰

茶臼山戰

敗以諸軍失期也。明日宜悉銳南出，一舉以決雌雄。幸村曰：善。乃啓秀賴曰：明石掃部屯船場，而敵兵未迫也。臣與諸將軍茶臼山以誘敵，掃部從今官林徑出敵背，舉烟爲號，與臣夾擊之。而主公以中軍繼之，則事必可成矣。秀賴從之。史逸○明日幸村軍茶臼山渡邊，福嶋正守爲先鋒。江原石見嶺，島重利軍天王寺郡，良列野野村雅春軍勝曼院，森勝永軍庚申堂，大野治長軍昆沙門池，津川親冬執金瓢馬標軍岡山，大野治房新宮行朝護其左右。○松平忠直攻茶臼山，本多忠政松平忠明援之。前田利光攻岡山，本多康俊遠藤常利援之。家康秀忠率諸軍從之。武德

大坂記御撰大坂記

○治長巡視至茶臼山，幸村迎曰：敵已迫而牙

真田幸村戰死

旗未發，公宜急促。主公主公出，則士氣自倍。治長馳歸，秀賴既出，在櫻門，撥緋甲穿錦袍，千槍十旌左右成列。鞍子馬以候，幸村之報適有流言，城兵欲竦，右府出而反，秀賴疑懼不進。橫田覺書幸村登丘而望曰：中軍美不來，吾族有在東者，治長其疑我乎？吾意已決矣。督衆而進，縱橫血戰終死之。御宿正倫有事抵幸村營，戰已酣矣，曰：何地非死所？率部下擊越士野本右近，死之。明石掃部自船場赴約，途遇水野勝成奮戰而死。難波軍記○東將前田利光與大野治房戰岡山，不克。東軍頗沮，城兵乘勢而進，藤堂高虎并伊直孝來救，短兵接，僵尸相枕。時城中遽撤馬標，衆以爲有反者，後軍潰走。由是諸軍大敗，東兵乘勝奮擊，斬首一萬

厨人放火

五千級郡良列津川親冬執章旗馳至曰臣等不死城外者耻棄章旗也今謹還之臣事畢矣遂伏劍而死會厨人大隅放火於厨東兵登壁亦縱火煙燄蔽空秀賴避火天主閣淀君及夫人德川氏從焉治長送歸夫人於東軍時猛炎四逼秀賴母子徙於糶倉大坂○家康遣井伊直孝安藤重信圍糶倉又遣本多忠純謂秀賴曰卿罪雖大枉從寬典寘之高野給淀氏以萬石秀賴猶豫不決直孝謂重信曰勢至於此不如除之放銃於倉中以示絕速水時之呼曰事不諧矣秀賴母子自裁落德集治長以下二十五人皆殉焉時秀賴年二十三淀君二十九自天正十一年秀吉移治於此三十七年而豐臣氏亡是日家康還京

豐臣氏亡

停豐國廟號

定廷式十七條
武貞式十三條

太政大臣家康
薨

師其翌秀忠旋師於伏見御年譜○六月家康秀忠與公卿諸侯觀散樂於二條城喪亂之餘伶人離散典章廢缺至是寢復其舊○家康封松平忠明於大坂忠明與平信昌子而家康外孫也○秋七月詔停豐國廟號削其祀典徙塑像於方廣寺梵舜○秀忠還江戶○關白信尚罷以前關白昭實任之補任家康與昭實議撰廷式十七條及武員式十三條東遷基業○八月家康還駿府○二年丙辰春三月詔以家康為太政大臣就駿府拜焉御年譜○夏四月太政大臣家康薨年七十五葬於久能山家康沈毅有大略用兵如神而好學求治愛人善容嘗有人出一疏于懷獻焉家康使其讀而聽之每條輒稱善讀畢謂之曰爾

後有所見。勿憚於言。其人頓首出。本多正信侍坐。啓曰。彼何輕卒也。且其所言無一可取。君何褒之。曰。否。吾褒其志也。且褒無可取者。則可取者至矣。又嘗諭將軍近臣曰。天下安危。在將軍之心。宜留思焉。獎節義。擯輕薄。愛士民。信賞罰。賜賚勿濫。濫則士怠。用人勿偏。偏則國危。國之有臣。猶木之有枝也。枝偏大則壓其根。猶鷲鳥之有爪翼也。愛其爪翼。所以期搏擊。臣之用舍。可不重哉。足利尊氏之任高師直。豐臣秀吉之用石田三成。皆以取人怨矣。我亦誤用大賀。殆陷危禍。可不懲愆乎。凡天下之亂起於主將縱欲而宰臣專權也。浚民膏血。盈之府庫。曰。能臣是為君蓄怨耳。且恃才能者。必以舊法為迂拙。動欲更改之。武田

家康遺訓

上杉今川大內氏所以衰亡。皆由於此也。凡政在因其舊。我嘗赴陸奥。見源賴朝榜牌。其辭曰。國事皆因秦衡之舊。吾信賴朝之能定東陲也。夫介冑之習。如鐵衣。纓之習。如金。金可以為虛飾。鐵可以為實用。國家將衰。必有喜衣纓之習者。建立新法。務其華飾。是大蠹也。我家法度。皆與祖考者。舊議深謀。遠慮。期其無弊。勿有所變更。譬之刀。鍛鍊一成。傳之子孫。子孫各異好尚。數附冶工。則刀終不可用矣。凡所貴於故家者。以其存舊製。養舊臣。焉爾。侯伯將士。皆與我同苦勞者。子孫亦宜與同富貴。勿無故滅絕之所。以酬其祖先之忠也。凡所謂忠者。豈獨忠於德川氏哉。乃忠於天也。我亦忠於天者。故天授之以大柄。然自有其柄。

五字訣七字訣

驕奢怠惰。以虐生民。則天將奪之矣。故吾主岡崎。慮隣國攻守。主關東。慮三道治亂。定天下。慮四境安危。未嘗一日懈怠。夫折衝禦侮。以守王國。武臣之職為然。武臣而遺武是。竊其職也。可不慎乎。東照官御遺訓又嘗曰。吾有五字訣。曰。字

惠遠笑那。又有七字訣。曰。美濃保登遠志禮。逸史○秀忠以

駿府賜德川賴宣。○秋七月。收松平忠輝。封放之於朝熊。

○三年丁卯春二月。秀忠建家康廟於日光。以改葬焉。詔賜

號東照大權現。公卿補任御年譜○夏六月。秀忠入朝謝恩。日誌

御選○秋八月。朝鮮來聘。秀忠於伏見接之。○九月。秀忠

還於江戶。○是歲。秀忠令蠲京師地稅。翁○五年己未夏五

月。秀忠入朝。○放福嶋正則於信濃。初正則負功。驕橫。大

東照大權現

將軍秀忠入朝

焚殺耶蘇宗徒

阪之役。陰通謀城中。而擅築城郭。殺戮無辜。故及。○六月

明浙江直總兵官王某。使單鳳翔齎書來請。杜兩國之奸

商。秀忠作復書與之。通書引○秋七月。關白昭實薨。○八

月。焚殺耶蘇宗徒五十七人於六條磧。孝亮○九月。藤原

忠榮復為關白。○秀忠徙封松平忠明於郡山。淺野長晟

於廣嶋。德川賴宣於和歌山。藩翰○藤原肅卒。肅字歛夫。

播磨人。號惺窩。究心程朱之學。有所發明。元弘中。僧玄慧

始講宋學。而世未深信之也。至肅。程朱之學大行人。皆以

肅為宋學之祖。先若叢談○冬十月。所司代板倉勝重致仕。子

重宗為所司代。初勝重以年老辭職。秀忠問曰。孰代卿者。

勝重曰。必欲使臣薦之。賤息重宗可也。秀忠乃召重宗。命

宋學之祖

大德二年

置大阪城代

忠世毀描金藥籠

之重宗固辭不拜。安藤直次素與重宗善。一日過重宗。重宗曰：將軍命僕代父君聞之乎？曰：然。吾固知子之不勝任也。顧子非無才，但失之怯耳。重宗大駭曰：父薦之，君命之子乃逡巡，非怯而何也？夫為人臣者，一旦就職，萬一有過，則刳腹以謝焉耳。重宗悟，乃起受命。野史 ○是歲始置大阪城代及城番，以內藤信正、松平勝政充之。○六年庚申春正月，以德川家光叙正三位，任權大納言。家光，秀忠之子也。○夏四月，秀忠命酒井忠勝輔家光。初，酒井忠世、土井利勝、青山忠俊並輔家光。忠世每侍坐，正色寡言，風采凜然。一日見描金藥籠之華麗者，問之家光曰：堀田正盛所獻也。忠世怒曰：崇儉戒奢，太公之遺訓，正盛之無狀，何至

毀伏見城
暹羅來聘

定錢價

於此直取而碎之。家光適有過舉，忠俊諫之，弗聽。脫腰刀袒而前曰：不用臣言，則請斬臣首。二人退。利勝執觴捧之曰：請嚼一杯。二臣在坐，世子何以爲歡？家光色解。利勝曰：忠俊之言誠是也。請用之，否則忠世亦將入諫矣。家光乃從之。至是，秀忠命利勝擇輔臣。利勝薦忠勝，故有是命。德川記 ○六月，以將軍秀忠女和子爲女御。補任孝亮記 ○是歲毀伏見城。一本 ○七年辛酉春正月，白馬節盜竊內藏寮布毯。孝亮記 ○秋八月，暹羅來聘。先是伊勢人山田長政航海至暹羅，遇其國亂，累建戰功，遂被拔擢，管領國事。因說國主通聘云。野史 ○是歲秀忠徙有馬豐氏於筑後，久留米。○八年壬戌春二月，秀忠定錢價，以四千錢直金一兩。犯者當

罰金元和小說○夏五月修江戸城○秋八月流本多正純於

出羽正純食宇都宮十五万石以擅增壘殺部屬被放嘗

關原之役父正信從秀忠攻上田而愆期正純請斬父以

解秀忠之過頗有得色或曰傷倫以要名必不令終果如

其言元和年錄○冬十一月江戸城成太平年表○九年癸亥春正月

行密法於紫宸殿此典久廢至是復焉年中行事○夏六月大

將軍秀忠入朝○秋七月權大納言家光亦入朝秀忠辭

職詔以家光補大將軍叙內大臣○八月家光歸江戸○

關白忠榮罷以左大臣信尋為關白○冬十月流參議松

平忠直於豐後忠直秀康之子元和之役以先登之功進

參議忠直猶憤其賞輕放縱荒淫戮近臣劾孕婦於是配

官中修行密法
秀忠家光入朝
家光為將軍

寬永元年

伊斯把你亞請
互市

東叡山寬永
寺

置焉徙其子光長於高田以越前賜松平忠昌松平家譜○寬

永元年甲申春二月踏歌盛行號伊勢舞流傳諸國百姓皆

廢業命禁之纂畧○伊斯把你亞人來聘請互市家光聞其

倡耶蘇教卻之通書引○秋八月秀忠封二子忠長於駿

河遠江治於駿府續一覽○冬十月朝鮮入貢異國日記○十一

月立女御德川氏為中宮補任自後村上朝歷世后妃之號

不正至是正焉十三朝紀聞○是歲家光創寬永寺於忍岡號

東叡山以僧天海為主又築嶋於不忍池中以擬竹生嶋

舊章錄○二年丑冬十二月中宮清所火孝亮記○是歲長崎

商人津田亦一歸自暹羅慶長中亦一至暹羅會其國與

哥亞戰敗國主請亦一援之亦一與山田長政率我民在

秀忠家元入朝

其日本港者七百人擊哥亞破之國主大悅以女妻亦一
 至是挈妻而歸紀 ○三年丙寅夏大旱 ○六月秀忠入朝大
 納言德川忠長修道路架橋于大井川眾皆稱宏莊秀忠
 不憚曰函根大井海道之嶮也東照公嘗謂之樞要而今
 架橋令眾知破要地寬明日記 ○秋八月家光亦入朝 ○詔以
 秀忠為太政大臣家光為左大臣兼左近衛大將德川賴
 直賴宣為權大納言德川賴房前田利常伊達政宗嶋津
 家久為權中納言其他任叙有差補任譜畧 ○九月天皇幸于
 二條城中和門院中官宗室妃嬪百官從焉秀忠家光奉
 迎乘輿警衛嚴肅供具豐備留蹕數日而還御 ○家光還
 江戸冬十月秀忠亦歸 ○是歲家光始置二條城在番 ○

幸二條城

始置二條城在番

安南乞互市

四年卯春正月蒲生忠鄉卒無嗣國除徙封弟忠知於伊
 豫松山 ○夏五月安南上書乞互市通書引日記 ○荷蘭上書
 書辭無禮家光令松浦隆信卻之外藩通書 ○冬十一月富士
 山火江戸雨灰結助錄 ○是歲明人陳明德歸化明德浙江
 金華府人崎陽實錄 ○五年戊辰夏四月秀忠家光詣日光廟 ○
 六年己巳春正月水無又兵衛帥其徒千餘人鈔掠松山城
 主蒲生忠知擊平之斬又兵衛年表 ○秋七月關白信尋罷
 以右大臣兼退為關白 ○先是家光聞筑紫多耶蘓之徒
 命竹中重治松倉重政索捕之其悔過者踏耶蘓像不悛
 者悉殺之於是畫耶蘓像令筑紫人踏之後以為例纂畧 ○
 暹羅來聘駿府記 ○立皇女興子為內親王初帝欲讓位於

秀忠家光詣日光

踏耶蘓像

皇女傳。首家光。家光對曰。遷都以來久。不立女主。而今立之。世或曰。外戚專威之所為也。帝不納。史○八月。天皇遜

位於內親王。紹運續錄慶安四年五月。薙髮。法名圓淨。延寶三

年冬。祝八十聖壽。八年八月崩。近代帝系壽八十五。紹運續錄帝善

國詩。又好插花枝。最信佛教。遜位之後。每使僧文守如周

天主等說禪律於御前。紀先是。後醍醐帝留心典故。著年

中行事。帝亦撰當時年中行事。親書三部。而一藏禁內。一

贈新院。留其稿。置之法皇宮。蓋著錄葬于泉涌寺。陵廟記

明正天皇。諱興子。後水尾帝長女也。稱女一宮。近代帝系○

作第母東福門院源氏前大將軍秀忠之女也。受禪時年

七歲。仍用寬永號。以關白左大臣兼退攝政。孝亮記○是歲

紀元二千二百九十年即位

高虎止殉死

暹羅來貢。聘使○七年庚午夏六月。琉球來聘。年表○秋九月。

行即位禮。補○秀忠家光遣使賀之。紀○冬十月。和泉守

藤堂高虎卒。年七十六。子高次嗣。高虎惡時人殉葬之弊。

造一函。謂群臣曰。他日欲殉我者。書名。小簡投之。於是投

簡者七十餘人。高虎乃持其簡。往前將軍家康。請曰。此皆

臣之股肱。臣欲使此輩輔後嗣。願以公命止殉死。家康許

之。乃還。而諭衆一人曰。臣既被創。為廢人。願臣獨殉焉。高

虎憂之。家康聞之。使高虎謂之曰。我既委藤堂氏。以先鋒

之任。若有殉者。必奪其任矣。其人乃止。至是。竟無一人殉

者。纂○八年辛未春三月。江戶城傍。雨灰積如霜。一本續○

夏六月。肥後守加藤忠廣有異圖。事發覺。家光收其封。放

信滿所老中

德川忠長獵淺間

忠廣於莊內。間紀○秋八月。豐嶋信滿以私憤。斫老中井上正就於城口。先是正就約以女嫁嶋田直時。子信滿為之。媒既而正就俄變約。嫁其女於酒井重隆。信滿大怒。遂殺之。年表○是冬。德川忠長將獵淺間。衆諫曰。自平城帝崩。淺間社八百歲於今矣。神威顯赫。殺生有禁。豈可以為獵場乎。忠長不聽。曰。我是國之主也。鬼神且不得違我。乃帥眾數萬。合圍之。獲猴千二百餘。其歸也。俄從輿中刺輿夫。輿夫驚走。乃使從者追斬之。尋又出獵。會大陰寒甚。忠長憇道傍佛舍。小濱七之助不之知也。騎而過之。忠長怒。小濱覺而來謝。命焚柴禦寒。小濱乃俯吹火。忠長輒斬之。清水進收其尸。更命吹火柴濕不燃。怒而歸。其舉動如此。識者

前將軍家忠薨

知駿河之將亡也。幕○九年壬申春正月。前將軍秀忠疾。召弟義直。賴宣。賴房。諭之曰。將軍年少。卿等深念祖宗之艱難。協心輔翼。勿令異姓生覬覦之心。遂薨。年五十六。秀忠為人勤謹和厚。朝廷以外舅。故禮秩異等。而秀忠益小心。嘗在禁內。獨休于便室。或闕之。衣冠肅然。莫有惰容。其事家翁盡心承。懽至細。徵事無不咨稟。關原之役。秀忠不及事。而兄秀康弟忠吉皆有功。家康召諸大臣曰。吾欲定繼嗣。誰可者。大久保忠隣曰。冢子資望已定。不宜動搖。且自今以往。撥亂之才。不若守成之器也。家康領之。葬增上寺。是夜府下失火。十三所。宿直諸士帶甲警備。上下騷然。初秀忠薨也。諸臣欲秘之。酒井忠勝以為不可。即夜發喪於

家光召諸侯示

幽駿河大納言
忠長

是將軍家光下教召諸侯伯親出面之曰前將軍薨矣諸君或冀望天下則唯其所欲然家光既係軍職當以弓箭授受之諸侯愕然未答伊達政宗進言曰孰不被德川氏恩澤今日有敢挾異心者政宗請先往蹂躪之衆同聲對曰誠如中納言所陳乃退柳管秘鑑○二月勅賜諡曰台德院贈正一位舊章○秋九月家光幽忠長於甲府尋收其封流忠長於上野高崎紀忠長與家光同母幼字國松為母氏所鍾愛家光為世子時內外流言幕府有易嫡之意世子乳母春日局者密往駿府告之居數月家康入江戶城秀忠饗之使二子接伴家康曰家光可接伴也阿國何得接伴斯坐乎遂命撤其膳衆望於是定矣落想集忠長

宇都宮之變

及長而受封有驕恣意秀忠擯之就國爾後益偃蹇聞秀忠有疾田獵自若秀忠亦不許召見侍湯藥管家光詣曰光也其傳本多正純偽饗家光歸采地宇都宮設釣天井欲以壓死家光工既成悉殺工匠以滅口匠嘗有通里正女者密漏其事女聞其死悲悼告之父時家光既到石橋驛里正馳上變遂有此命尋賜正純死收其封更賜四万石於正重以存其祀正重正純伯父也大久保武藏鑑○冬十月家光命還末次平藏等所拘荷蘭人初明鄭芝龍來長崎與平藏善及芝龍還明平藏屢遣商船買絲船嘗泊臺灣時荷蘭人據其地衆夷來掩襲悉掠財物而去舟人逃還告平藏平藏聞之憤怒其友濱田彌兵衛曰吾能為子報

濱田彌兵衛襲臺灣

怨請為我具一巨艦。使一百人從我。不藏素。豪富如其言。彌兵衛與弟小左衛門。航海至臺灣。荷蘭人入其船。檢視。唯有耕具耳。因問其所以來。彌兵衛曰。此地膏腴。而未嘗開墾。若賜其地。吾且為公等墾之。蘭人不答。彌兵衛兄弟乃匿小刀於衣中。往見夷酋。請之。彌兵衛佯怖蒲伏。而進。突起搏夷酋。眾夷挺劍進。小左衛門斬其一人。餘皆逃去。彌兵衛抽刀擬夷酋胸。曰。汝何為掠我國商船。夷酋謝曰。請倍其數奉還。彌兵衛乃趨出財物。且欲以夷酋還。酋辭謝曰。願以吾兒為質。彌兵衛乃取財物及其兒而還。至是夷酋來謝。則兒已死。乃還其從者。長崎夜話○是歲始置大目付。專掌監察。藩論○十年癸酉春正月。地大震。箱根山

始置大目付

始置少老職

崩。道路不通。家光令小田原城主稻葉正勝開路。○三月始置少老職。副老中掌諸雜事。風也○堀田正盛為老中。正盛父正利。嘗與稻葉正成事。豐臣秀秋娶正成女。其後二人各去國。正成妻齋藤氏為家光乳母。故二人皆為列侯。正盛自幼侍家光。親寵無比。正利歎曰。老父不死。則吾兒不能極富貴。刎腹而死。正盛果得顯職。○始遣使五畿七道巡察風俗。○徙封永井尚政於山城。淀其弟直清於山崎。俱警衛京師。幕○是歲權大納言德川義直建孔子廟於江戶。忍岡。舊章○十一年甲戌春正月。行內侍所神樂祈上皇疾。孝亮○權大納言藤原光廣上木下貞幹。太平頌。貞幹時年十三。詞旨淳正。朝野以為國瑞。紀○夏五月。

巡檢使之始
建孔子廟

將軍家光入朝
江戶西城火

德川光國始謁家光。家光視其舉止非常，深歎異之，賜以文昌星銅像。光國賴房嫡子也。○六月，家光朝於京師，將宿尾張。至參河吉田，忽有流言。義直謀不軌，家光召德川賴房問之。賴房舍鹵簿，單騎往探，則無事。馳使保其無佗。家光乃入，不宿而發。○秋七月，入朝，詔拜太政大臣，固辭不拜。補任舊章錄以白金十二萬兩賑京師市人。一本續覽○是日江戶西城火，留守酒井忠世大懼，逃於寬永寺，飛駟報京師。家光曰：災變天也。忠世何罪？但彼職在守城，去城謝罪，非武夫也。馳使諭之。忠世懼，不敢入城。弘賢覺書風也集○秋八月，家光歸江戶。○九月，關白兼遐辭攝政，上皇復聽政。補任舊章錄○義直憾家光之疑己，不肯赴江戶。賴宣乃過尾

定大番隊
改造日光廟

張勸之。義直曰：將軍疑我，我不欲往。若以此獲罪，我有死耳。賴宣曰：君若不往，則吾亦留在此城。義直乃俱發。家光悅，曰：尾張不來，吾將往，而見焉。今乃來見，幸矣。時酒井忠世猶屏居寬永寺。義直賴宣賴房相議，因并伊直孝請宥之。直孝曰：三公之請為將軍乎？將為忠世乎？義直曰：亦為將軍耳。夫祝融之災何處無之？以此罪人，尤為不可。直孝曰：紀水二公意如何？義直厲聲曰：二公意何必問？卿第以吾言。白將軍。直孝乃見家光，請之家光許之。冬十一月家光定大番隊為十二部。舊章錄○是歲改造日光廟，窮極華麗，不得論經費。工匠有暴富者。○十二年春三月，流柳川調興於津輕。調興對馬守，宗義成臣也。初幕府賜

定武家制度

禁互市

置寺社奉行

置評定所

書於外國也。未嘗稱王號。元和中。朝鮮入貢。調興與僧玄方謀。密加王字。日本國三字之下。以附之。貢使歸。事發覺。家光謂。調興誣其主。數年不決。至是。家光召二人親聽之。調興伏罪。玄方亦處流。本續一夏六月。定武家制度。十九章。又定諸侯會同期。以四月。言行錄秋七月。令長崎。禁交趾。占城。呂宋等互市。先是。外船隨便泊西海諸港。至是以嚴禁。耶蘇教故皆停之。冬十月。帝朝上皇於櫻町宮。事紀○以左大臣藤原康道攝政。補任家傳○是歲。始置寺社奉行。一本續○十三年。丙春正月朔。日有食之。廢小朝拜。明日行之。御浴殿日記○始置評定所。初家康之遷江戶也。執政會。諸有司於各第。後建傳奏館。以待勅使。而館平常空。

鑄新錢

逐南蠻人

鳥原之役

虛因以為會議所。日出倡婦。供使令其簡率如此。每詔使至。會議輒廢。至是更置評定所。風也集○夏六月。鑄新錢於江戶。及近江。阪本。欸文曰寬永通寶。弘賢覺書○冬十一月。朝鮮來聘。通書引異國往來日記○是歲。那勿蠟國主來。長崎。唱耶蘇教。捕而誅之。逐南蠻人居。長崎者二百八十七人。於阿媽港。又慮其作亂。令大村純信備之。而禁諸國商船之往。外蕃先是聽廣東。東京。太泥。臺灣。東浦。塞暹。羅。阿媽港。六昆等貿易。商船至者。歲九隻。至是皆禁之。長崎化話○十四年。丁春正月朔。日有食之。補任○冬十月。肥前嶋原民作亂。初大友小西之亡。遺臣往往散處民間。二氏皆崇耶蘇教。故遺衆亦皆竊奉其法。而肥前最多。家康嘗聞有馬。

直純臣悉信耶蘇徒封於日向家士皆不欲往家康特遣使諭直純直純奉命嶋原即直純舊封也城主松倉重次爲人鄙吝不恤其下士民離怨於是耶蘇之徒稍稍潛匿其境內煽誘愚民而重次不之知也嶋原接天草嶋而嶋唐津城主寺澤賢高別封也賢高以唐津天草海路懸隔城富岡以鎮天草命三宅藤兵衛守之藤兵衛賦歛暴急百姓愁苦於是天草民大矢野千束大江片山森等赴嶋原潛以邪教誘衆曰先輩嘗謂天草當出神人以弘此法今天草人益田時貞乃其人也天有赤雲之祥地有異花之瑞果如先輩言時櫻樹冬華衆以爲天意也太驚異焉時貞者稱四郎父曰甚兵衛嘗事小西行長信耶蘇教時

天草出神人

貞亦學之頗善幻術人稍稍惑之是月時貞移檄嘯聚邪徒時城主重次在江戶留守臣聞有馬里正某弟角藏唱耶蘇教遣代官本馬林二人驗問角藏果會十餘村民拜耶蘇像乃遣兵捕之其徒聞之大怒二十五日至有馬殺林本馬航海逃歸嶋原老臣岡本多賀等聞之即戰艦十九艘赴有馬路遇本馬本馬曰賊八百屯有馬將來襲嶋原多賀曰吾當歸城繕守備然後進攻乃引還二十六日岡本多賀帥兵三百陣江東寺遣使深江問村民曰汝等果黨賊乎村民不答大喊而起二人令銃手遞發乘烟衝突賊敗走追擊斬八十餘人餘衆走布津村嶋原兵欲追躡多賀曰吾等僕隸皆賊親戚不宜深入乃引還賊急攻

鳴原多賀出陣城外既而聞城中有內應入守果獲賊黨
 賊呼譟而進揮斧碎城門木村彌兵次舞槍捍之曾我八
 右衛門連發巨銃賊稍沮城兵乘勢突擊賊潰亂奪兵船
 而逃二十七日嶋原馳使告變江戶斬角藏及妻子十六
 人賊勢益熾遂至八千人而時貞亦舉兵天草嶋原賊奉
 爲大將三宅藤兵衛聞變大驚出陣大嶋子索捕賊黨數
 人誅之還欲發兵衆止之曰大矢野上津浦悉爲賊巢不
 宜以寡兵往乃乞援唐津時賢高在江戶衆議不決賊殺
 掠日甚藤兵衛又告急唐津十一月五日唐津遣岡本次
 郎等四人將兵一千五百航海援富岡嶋原賊亦赴援十
 四日海陸並進薄嶋子村民縱火應賊唐津兵苦戰遂敗

益田時貞亦舉兵

賊陷富岡外城

命板倉重昌討賊

賊急進攻本戶鋒甚銳藤兵衛戰死餘衆皆潰原田嘉種
 挺身血戰丸中背幟者七乃還富岡諸將會議或欲拒守
 或欲歸唐津嘉種奮曰吾當死守諸君若歸國幸傳吾意
 衆請同守議乃決嘉種晝夜督衆嚴備賊議曰富岡三面
 瀕海一面據險吾當取之以爲根柢乃火廬舍聯竹牌薄
 城銃不能洞嘉種命銃手五十人叢擊一牌牌果壞城兵
 乘勢出擊殺傷數百人賊敗走二十二日賊來圍數逆遂
 陷外城城兵叢銃苦拒獲一賊將賊乃退當此之時急報
 已達江戶家光特命板倉重昌討之石谷貞清監軍又使
 松倉重次速就國重昌子重矩請從許之諸將即日發江
 戶二十九日重次至嶋原十二月五日重昌貞清亦至先

賊據原城故壘

是賊聞諸將來討，修原城故壘，據之。運男女及米粟而悉毀其舟，為塼。六日，重次先諸軍發，嶋原重昌貞清繼進。八日至有家村，火賊廬舍。時西海諸侯皆發兵來援，寺澤賢高亦就國。十日，諸軍薄城，賊不敢出。重昌會諸將，謂之曰：「吾緩攻曠日，恐近國愚民皆應賊，請乘夜擊之，以試賊動靜。諸將從之。即夜，諸軍大喊，賊亦大喊，不敢出。重昌乃曰：「吾當以明日攻城。」鍋嶋氏先攻西面，松山賊必聚於西。立花氏乃宜乘虛攻其東西。二十日，鍋嶋氏將諫早豐前攻松山，矢石雨下，不利而退。立花忠茂以五千人攻東面，賊力拒，婦女亦登塼投石，立花大藏挺身攀塼，中丸而墜。忠茂督衆苦攻，僵尸相枕。重昌命收兵，令曰：「此城不易遽拔。」

又命松平信綱等討賊

江戶大風

板倉重昌戰死

拔之必損衆，諸軍且待。後令家光聞賊日熾，更命松平信綱、戶田氏鐵赴討。晦日，重昌聞之，曰：「吾誓欲虜賊，而二將來討，不及今取城，吾何顏而見二將？明日歲首，賊必不設備，急攻拔之，衆皆然之。然賊已知而為之備。」舊章錄翁○是日，重昌率諸軍進，攻賊弓銃亂發，死者千餘。先鋒有馬忠賴敗而退，諸軍繼進，賊五千開門突出，諸軍多死。重昌乃下馬提槍而進，諸軍不應，則獨帥手兵踰塹攀壁而登。矢石益急，重昌胷碎，槍折，中丸而死。初，重昌發江戶也，柳生宗矩曰：「此役也，重昌必死，吾為天下惜之。至是果如其言。」三日，信綱等至，嶋

記耶蘇天誅記原 ○十五年，寅春正月朔，江戶大風折樹，城記事弘賢覺書

揚沙黑烟滿天，始如暗夜。一本○是日重昌率諸軍進

舊章錄翁 卽耶蘇實

信綱等至嶋原

原四日肥後守細川光尚帥兵萬餘人至五日寺澤賢高來會信綱巡視城外謂諸將曰賊皆愚民諸君侮之所以取敗請合長圍以困之衆皆從之十二日立花宗茂細川忠利黑田忠之鍋嶋勝茂有馬豐氏松平重直來會信綱召荷蘭人於長崎命發巨煩於城中忠利忠之亦遣舟師發銃攻之賊困造土室禦丸二月城中糧乏賊一將謀曰與其束手餓死寧乘夜斫營縱火以奪敵糧時貞從之又曰細川營多銃攻之損衆有馬立花地勢險隘不便馳逐唯鍋嶋寺澤黑田三營可攻而奪也二十一日賊三千夜出斫三營縱火大喊城中呼譟助之忠之臣黑田監物戰死于佐左衛門奮身衝突衆繼之賊乃敗走寺澤鍋嶋二

黑田監物戰死

軍議於信綱營

軍皆奮戰卻賊斬首二百五十餘級明日水野勝成亦來會二十四日諸將會議於信綱營氏鐵進曰苦攻損衆將軍之所戒請待其糧竭以殲之勝成曰否賊本烏合糧食必乏諸君合圍一鼓屠之實爲今日良策也信綱曰善乃期以二十六日是日大風雨更約二十八日時長崎奉行柳原職直監勝茂軍子職信從是夜職信會衆議先登不決藤田市右衛門曰議之不決欲生還也郎君以百餘擊三萬唯一死耳翌日諸將復會信綱營勝茂兵列竹盾薄外壘賊乍發銃勝茂兵叢銃進擊賊頗沮職信挺身進植旗城上職直望見曰旗號車輪是必吾兒不可不救乃進勝茂呼曰奈何使監軍死麾衆而進於是諸將皆進四

職信先登

時貞伏誅

面肉薄而登有馬康純水野勝俊先登悉奪外城賊僅保
 牙城日既暮諸軍陣城上明日乘曉攻牙城黑田氏將黑
 田美作先登火箭雨集廬舍皆火諸軍乘烟塵擊至午時
 城乃陷屠戮賊男女三萬七千餘人無復噍類矣細川氏
 兵陳野斬時貞而諸軍死者一千百三十餘人三月朔信
 綱令寺澤賢高有馬直純等毀原城石壁信綱氏鐵巡視
 天草長崎梟時貞首級於長崎座賊級二萬於西阪呼曰
 有馬塚夏四月信綱氏鐵凱旋江戶西海諸侯皆就國家
 光召寺澤賢高松倉重次至則禁錮重次削賢高封六月
 召鍋嶋勝茂榊原職直問曰勝茂何以犯軍律曰榊原父
 子先登臣恐其戰死故進攻耳問職直職直曰臣兒先登

始置大老

禁南蠻來泊

江戸城火

臣不忍見其死故進兵也勝茂法當國除德川賴房聞之
 白曰嚴令懲後是戰國之法不冝用之今日若罪勝茂異
 日誰復効力國家者家光然之鍋嶋氏遂不亡本譜畧
耶蘇征伐
記一本
續一覽○冬十二月賜松倉重次死流弟重利於讚岐幕
 ○始置大老職○十六年己卯春正月朔廢朝拜補○徙封
 松平信綱於武藏河越阿部忠秋於忍○夏五月荷蘭來
 聘○秋七月令諸國曰國家嚴禁耶蘇教南蠻非不知也
 然往往潛遣其徒蠱惑百姓竟以啓禍亂矣自今已後嚴
 禁其來泊若有來者輒毀其船誅其人天下郡國警察海
 濱或有蕃舶漂到速送之長崎勿使暫碇泊幕○八月江
 戸城火殿宇蕩盡舊章○是歲索荷蘭諸厄利亞種類五

造夷邸於湊浦

十人放之。咬嚼吧大監察井上正重戒之曰：汝等知我大禁而敢來泊，無狀甚矣。然今特宥汝等，放還。若再來，必誅無赦。先是，蠻人在長崎者，與里人雜居。於是特造夷邸於湊浦，別居焉。長崎實記 ○十七年庚辰春二月，江戶城成。弘

覺 ○三月，天皇朝上皇於櫻町宮。數日而還。紀 ○夏五月，

焚阿媽港船

阿媽港船來長崎。家光遣加加爪忠澄言曰：汝等屢來犯我大禁，是蔑吾國也。捕而悉斬之，燒其船及貨物。長崎夜話 ○

秋九月，家光如品川別館。德川義直賴宣、賴房及前田光高僧澤庵從焉。毛利秀元饗茶，家光大悅，盡歡而還。秀元

朝鮮之役，以材武聞。秀元好茗，家光恒曰：此吾良友也。毛利家記 ○歲饑，諸國牛多死。○是歲夏，松前蝦夷地晝

撰諸家譜

多寶塔成

暗經三日，而禺中纔見人面。及午始明。時宇知浦海溢，山壑發火，廣袤十里。炎焰飛空，人死者七百餘。馬牛鳥魚傷亡无算。灰燼埋地，一丈七尺。至秋，鳴動不止。焦土入海，竟生一大嶋。宇知浦距松前，蓋八日程云。弘賢 ○十八年己

春正月，江戶大火。風也 ○二月，家光命太田資宗撰列侯以下家譜。舊章錄 ○夏六月，遣巡察使於諸國，問民疾苦。

○秋七月，日光多寶塔成。先是，家光將造塔，問老中曰：銅鐵與石孰堅？老中不答。嶋田利正以多智聞。家光召而問之，利正曰：若能修補豐國廟，則日光之塔萬世不廢矣。家光乃造以石，採之赤那木山。道路甚艱，鑿山填谷，石尤大者。至用二萬人，其費不貲。至是成。纂 ○是歲，家光以天草

家綱拜山王祠

嶋屬肥後使筑前守黑田忠之肥前守鍋嶋勝茂等長崎防備集○十九年壬午春二月家綱拜山王祠老中傳命使

三藩扈從焉義直曰焉有納言之官而扈從无官之人者

耶老中曰請為將軍屈義直曰昔北山行幸足利義滿以

幼兒義嗣班關白上後世譏其僭今日之舉吾恐將軍之

貽譏也老中語塞乃使三藩前行家綱家光適子也續一本

撰將軍家譜

覽集○林滿填撰將軍家譜○自三月至五月天下大饑

餓芋滿路家光發倉賑之續一○江戸富商與幕吏結黨

閉糶已而事覺處刑者數人其餘逮及甚眾集○家光定

定譜代諸侯交代

譜代諸侯交代期以六月其在關以東者以半年為更期

著為永式風也集○二十年癸未夏五月黑田忠之捕蠻夷

蠻人改宗

十人於長崎檢之則曰為傳耶蘇教也忠之乃送之江戸

蠻人自首罪狀曰請更宗門為我民聽之為造邸於小日

向而禁錮焉長崎實記○六月朝鮮來聘獻洪鐘瓶爐匾額等

於日光廟通書引往來日光雜記○會津城主加藤明成辭封乃沒

租入四十萬石徙封其子明友於石見安濃食一萬石先

是其老堀主水來江戸訴明成十餘罪明成大怒欲捕之

主水奔高野山明成索之僧徒不肯出明成益怒遂請家

光曰臣願以國易主水家光令高野僧徒捕主水贈之明

成明成喜而誅之其妻子匿於鎌倉尼寺明成又遣人捕

之寺主怒訴之遂收明成城邑加藤氏亡家光念嘉明之

功猶存其祀本續○琉球貢西瓜於薩摩慶長中南蠻

琉球貢西瓜

貢南瓜烟草。後又貢蕃椒。本邦有此諸草。自此始。紀聞 ○冬

十月。大僧正天海歿。年百三十三。一本續 ○天皇讓位於

親王紹仁。紹運續錄 元祿五年。秋。賀七十壽。一本紹 九年。十一

月。崩。壽七十四。葬于泉涌寺。近代帝系 紹運續錄

國史略卷之四終

終

